



Wantak



True
Buli Bif
Bilong
PNG.

Namba 1945

Desemba 1 - 7, 2011

32 pes

Niuspepa Bilong Yumi Ol PNG Stret!

K1 tasol

International
call **48t**
per min



Use Citifon, Fixed Wireless phone & Prepaid Landline to call Australia, New Zealand, China, India, Fiji, Philippines & Malaysia this XMAS and enjoy the **LOWEST** Call Rate.



24/7 Customer Care on 345 6789 | website: www.telikompng.com.pg

3G

Intanet long poket

Wantaim Nambawan Veliu Huawei 6150

K199
Tasol

Call 123
www.digicelpng.com

Digicel
broadband

Terms and conditions apply.

Insait long dispela wik:

Am Roberi Rispons Yunit -P3



PNG Elektoral Komisin givim sapot long Wol Aids De -P16,17



'Senisim pasin' - PM O'Neill

PRAIM Minista Peter O'Neill i tok, maski yu gat o nogat sik AIDS, yumi olgeta manmeri long kantri mas senisim pasin na lusim pasin pamuk, o stap wantaim wangepa patna tasol.

Long makim Wol AIDS De, em i tok PNG nau i mas lukluk long inapim nupela infeksi ret, ol i makim long zero.

Het tok Intanesenel Wol AIDS De, em 'Go painim Zero, Zero Infeksen o nupela sikmanmeri, Zero Diskriminesen, o rabisim ol lain i gat AIDS pinis, na Zero dai long sik AIDS'.

Long PNG yet, as tingting bilong makim dispela de, em 'Zero HIV long PNG! Banisim yu yet, Banisim famili bilong yu'.

"Tude i gat moa long 45,000 pipel i sindaun wantaim HIV na AIDS long kantri, na planti long ol, em ol meri na pikinini.

"Wantaim strongpela moa wokbung na halivim i kam long olgeta, yumi ken daunim groa bilong dispela sik. Mi tok tenkyu long husat ol lain i givim taim bilong ol long halivim ol arpalea i gat HIV na AIDS pinis.

"Long yupela i stap sindaun wantaim dispela sik pinis, mi laik strongim yupela long go het na strong long laip na sindaun bilong yupela," Mista O'Neill i tok.



WOL AIDS DE: Olget wol i sanap long dispela bikpela de long tingim planti husat dai long dispela sik nogut. Hia liklik meri India holim Red Ribon bilong dispela de.

HIV na AIDS Stori long PNG tude:

- 34, 000 pipel long PNG i gat HIV na AIDS;
- Moa long 3,000 em ol pikinini; na
- Moa long 5,000 pipel long PNG i wok kisim ART marasin

- (Ol namba na stori i kam long Spesol Palamen Komiti long HIV na AIDS Etvokasi)



OCEAN BLUE TUNA

Gutzpela abus tru na i no dia tumas!



PNG Gavman i sot yet long K900m

Aja Alex Potabe i raitim

PNG Gavman i sot yet long K900m bilong baim 19.6 pesen ekwiti sea bilong stet long PNG LNG Projek.

Gavman i sot long dispela mani mak bikos taim ol i bin kisim 1.68 bilian Australian dola dinau mani long Intanesenel Petroleum Investmen Kampani (IPIC) bilong Abu Dhabi, ol i bin senisim dispela mani i go long US dola.

Taim dispela senis i kamap, K900m bilong i sot yet long inapim o karamapim dispela 19.6 pesen ekwiti sea bilong gavman, we ol i kisim tru long Kroton Namba 2.

Pastaim Somare gavman i bin kisim 1.68 bilian Australian dola dinau mani long Abu Dhabi, Yunaited Arab Emirets, long fandim 19.6%

ekwiti sea bilong stet long PNG LNG Projek.

Praim Minista Peter O'Neill i tokim Palamen long Fraide wik i go pinis olsem, Independen Pablik Bisnis Koperesen (IPBC) i bin kisim dispela mani long nem bilong PNG Gavman, tasol IPBC i no bekim dispela dinau yet bikos em i no mekim winmani.

"Ol liklik mangi i bin pilaim gem bilong ol bikpela man, na klostu ol i salim kantri bilong yum i go long ol Arab," O'Neill i belhat na tokim palamen.

Em i tok long 9-pela yia olgeta IPBC i no bin mekim winmani, we gavman i ken yusim long bekim dispela dianu mani o, mekim ol arapela wok long kirapim PNG.

O'Neill i tok planti ol arapela kabinet minista bilong pastaim Somare gavman i

no bin save long olsem wanem ol i bin kisim dispela dinau mani, na olsem wanem ol i bin sainim agrimen long kisim dispela dinau tu.

O'Neill i tok gavman bilong en bai stretim gen ol pepa-wok na painim gut ol arapela rot long kisim dispela K900m bilian.

Long wankain taim, bipo minista bilong Pablik Entaprais, Auther Somare, i tok ol i bin kisim dispela mani long IPIC taim olgeta benk long wol i pasim dua bilong ol long kisim dinau mani, bikos bikpela fainensel birua, o krais, i bin kamap long 2009.

Em i tok ol i bin haraip long kisim dispela 1.68 bilian dola bikos LNG Projek bai mekim bikpela mani stret na, gavman bai inap long bekim dispela dinau long wanpela o

tupela yia tasol bihain long 2014 taim Exxon Mobil i salim namba wan ges bilong PNG i go long Japan, China na Taiwan.

"I no gutpela long wetim takis mani long kampani tasol. PNG gavman i mas kisim winmani tu bikos em i papa bilong projek tu. Olsem na mipela i bin hariap stret long painim 1.68 bilian taim olgeta benk i pas," Somare i tok.

Em i tok O'Neill i giaman taim em i tok em i no save long olsem wanem ol i bin kisim dispela mani.

"O'Neill, na (Don)Polye i bin stap Ministerial Ekonomik Komiti na Ministerial Ges Komiti wantaim. Taim tupela i tok tupela i no save long dispela dil, tupela i giamanim pipel bilong PNG," Somare i tok.

Somare i tok dispela K900m bilian i bin sot taim ol i bin senisim mani long Australian dola i go long US dola.

"ExxonMobil em i kampani bilong Amerika. PNG LNG em i 15 bilian US dola projek. Lukluk gut, i no Australian dola. Mipela i toktok long US dola," Somare i tok.



Praim Minista Peter O'Neill painim we long kisim bek moni.

Em i tok dispela i kamap na ol kamapim Nesenel Petroleum Kampani PNG (NPCP) long kamap olsem ol arapela petroleum kampani long mekim wok eksplorasen na painim wel na ges long mekim mani.

"Mipela bin tingting long kisim winmani bilong NPCP long karamapim dispela K900m bilian. Na tu dispela kampani i ken mekim moa mani long bekim sampela bilong dispela dinau mani long IPIC," em i tok.

IPBC i no save mekim winmani

BIPO praim minista na Minista bilong Pablik Entaprais, Sir Mekere Morauta, i tok Independen Pablik Bisnis Koperesen (IPBC) i no bin mekim winmani long 9-pela yia olgeta.

IPBC em inap long mekim moa winmani long dispela bikpela taim tasol, Sir Mekere i tok, aninit long Glen Blake, husat i bin i stap menesing dairekta, na bipo minista bilong Pablik Entaprais, Auther Somare, IPBC i no save mekim mani tasol i wok long lusim mani yet.

"Mi tok long milian kina i wok long lus nating nating. Olsem wanmen na IPBC bisnis haus olsem MVIL, Air Niugini, Telikom, na PNG

Power ol i wok long askim mani gen long gavman long sapatim wok bisnis bilong ol," ol inap kisim halivim long IPBC winmani,' Sir Mekere i tok.

Sir Mekere i tok K90m bilian bilong Moto Viakol Insurens Limited (MVIL) i go stap long wanpela liklik benk long Niu Saut Wels (NSW), Australia.

Gavman i no save long wanem as tru pastaim menesmen bilong MVIL i bin salim dispela mani i go long NSW benk.

Menisemen bilong MVIL i no bin kisim tok orait long gavman long putim dispela mani i go long dispela benk tu, Sir Mekere i tok.

Em i tok Telikom i nau

nidin K400 tausen long halivim operesen bilong en, na long mekim kompetisen wantaim Digicel.

"Tasol olgeta winmani IPBC i kisim i save go long we?" Sir Mekere i askim.

"Somare na Blake i salim B-Mobile long wanpela kampani bilong Hong Kong. Dispela kampani i gat liklik sea long B-Mobile tasol em i wok long mekim planti disisen, na mani tu ol i bosim i stap long Hong Kong, i no long PNG. IPBC i gat bikpela sea tasol Blake na Somare i givim nating B-Mobile long han bilong ol Esian. I no long taim tupela inap salim PNG tu," Sir Mekere i belhat nogut tru na tokim palamen.

Em i tok Somare i bin tingting long baim bikpela balus Boing 787 bihain long tupela yia.

"Taim PNG manmeri i nidim gutpela haus sik, skul, rot na bris, pawa lait, na gutpela haus, Somare i tingting long em yet tasol. Em i no tingting long ol pipel," em i tok.

Memba bilong Lae na Pablik Sevis Minista, i tok Glen Blake em i nogat gutpela save long ronim dispela kain bikpela haus bisnis na klostu em salim kantri i go long ol forena o ausait man.

"Blake i save kisim K1.7 bilian long wanpela yia taim em i bin stap menesing dairekta. Em i bin stilim dispela kain mani mak long wanwan yia insait long 9-pela yia tem bilong en. Mipela bai painim aut ol arapela mani bilong gavman em i stilim tu. Em bai go long kalabus," Philemon i tok.

India na China laik kam long PNG

PLANTI wok eksplorasen long painim gol, kopa na ol arapela mineral i kamap long PNG bikos mani mak o prais bilong metal i go antap.

Konsalten bilong Raw Materials Group (RMG), Magnus Ericsson i tok, i no long taim ol eksplorasen kampani bilong Saina na

India tu bai kam long PNG bikos laikim bilong metal long dispela tupela kantri i groa.

Kampani bilong China i kam stap long Ramu Nikel Maining pinis na i no long taim, wanpela kampani bilong India, Indostine Copper bai kam insait bikos em i sainim agrimen pinis wan-

taim Petromin long mekim wok eksplorasen long PNG.

Planti ol kampani husat i kam mekim wok eksplorasen long PNG nau i kam long Australia, Canada na Saut Afrika tu. Planti bilong ol i save kisim mani long Kanada long statim maining bisnis long PNG.

'Mangi lo Peles' opim balus ron bilong en

NUPELA balus kampani bilong kantri, Travel Air Limited, i kirapim ol balus ron bilong em tude, wantaim namba wan ron long Madang i go long Mosbi, tude, Fonde.

Balus bilong Travel Air i mekim dispela namba wan ron em wanpela Fokker 50, flait namba bilong en, TA100.

Kepten Bob Cave, na Fes Opisa Kepten Villimon Romney, na ol kebin kru lain Corinna Pasi na Charles Niaring bai lukautim ol eksekutiv bilong kampani, namba wan pasindia bilong sevis, na ol niusmanmeri.

Sif Eksekutiv bilong Travel Air, Glenn Pickard i tok nau kampani i kirapim ol ron bilong en, bai prais bilong ol balus tiket bai orait liklik long ol liklik manmeri na bisnis.

Em i tok ol pasindia i yusim sevis bilong ol, bai kisim wankain sevis ol i kisim long Air Niugini.

Ol ron bilong 'Mangi Lo Ples' bai go kam long Mosbi pastaim, tasol ol i lukluk long surukim sevis bilong ol i go long Rabaul, Hoskins, Buka, na Lae.

"Ol lain bilong mipela i stap pinis long tripela o foapela estrip bai ol i ken lukautim ron bilong ol balus

bilong mipela. Mipela i wok bung wantaim Nesenel Epots Koperesen tu long painim opis spes, bai mipela i ken prosesim gut ol pasindia bilong mipela tu," Mista Pickard i tok.

Taim kampani i ronim olgeta balus bilong en, bai ol i gat 7-pela balus olgeta.

Nau yet ol i gat 5-pela pilot em ol PNG na 5-pela em ol ausait manmeri.

Ol balus ron taim na de i go aut pinis long pablik, long Pot Mosbi, na ol i ken bukim ol sia long ol dispela balus long Beckslea Plaza long Madang, na Waigani Draiv, long Steamships kompaun long Mosbi.

HAPPY 5TH BIRTHDAY



RICHARD HUNTER TJANGAU

01st December, 2011

"Hey Yangcha, bik boi na katim daun ol bikhet pasin!"
B/Day greetings from the KFCs, the Crane Street Squad & school mates at Nonu!
Special one from Kaka Tim in Arawa.

Am Roberi Rispons Yunit i kirap

POLIS wok insait long siti bilong Mosbi, nau bai was moa long pasin bilong am roberi.

Na ol lain i go pas long dispela wok, em Am Roberi Rispons Yunit o ARRU.

Ol dispela lain i lonsim nupela wok bilong ol, wantaim ol nupela kar ol bai yusim.

Dispela yunit, em i wan-

pela yunit husat bai karim pes bilong polis, na strong bilong en long daunim ol hevi bilong am roberi, we i wok long kamap bikpela long ol bikpela taun bilong yumi.

Mosbi em i namba wan ples bilong lonsim dispela yunit, na bai ol i sanapim ol tu long ol arapela taun long kantri, namel long nau na ileksen neks yia.

Nupela Polis Komisina, Tom Kulunga i tokaut tu long ol senis i kamap long ol sinia polis opisa long hetkwata.

Olgeta dispela senis i bihainim ol tok stia i kam long Nesenel Eksekutiv Kaunsil long polis fos i mas sanap redi long lukautim gut wok ileksen.



REDI: Bipo sif operesens, Fred Yakasa, i bin lonsim ARRU dispela wik.

Ileksen sekyuriti plening em bikpela samting

Bustin Anzu i raitim

PLAN bilong sekyuriti em wanpela bikpela samting long dispela ileksen, wanpela bos bilong polis long Morobe i tok i tok long Lae las wik.

Ol mas redim ol yet sapos ol i laikim olsem dispela ileksen i ran gut.

Bos bilong ol rural polis long Morobe provins, Sif Inspekta David Warap i tokim ol sinia polisman long Momase rijen olsem ol i gat bikpela wok long mekim long wok bilong sekyuriti long dispela 2012 Nesenel Ileksen.

Em i tok olpela rot o we we ol i bin holim o kamapim ileksen i pinis, na nau ol i stap long nupela rot, wantaim bikpela save bilong Infomesen na Teknoloji i kam insait na bai mekim ileksen i go narapela kain olgeta.

"Mipela i bin lukim olsem dispela ileksen em bai wanpela bikpela ileksen long wanem, long nupela we o rot we dispela ileksen bai ron long en. Wantaim save bilong man long infomesen Teknoloji, sikuriti bilong ileksen em wanpela namba wan samting em ol mas tingting long en," em i tokim ol wan kos bilong em.

Em i mekim dispela toktok long pinis bilong wanpela wik ileksen

sekyuriti woksop we opis bilong Ilektral Komisen bilong Papua Niugini i kamapim, we bin kamap long Lae Melanesian Hotel.

Warap i tok planti bilong ol dispela sumatin long dispela woksop em ol sinia man long wok bilong ol na ol tu i bin stap insait long planti ol nesenel ileksen na ol i gat planti na bikpela ekspriens long holim dispela wok na ol i no nupela tasol planti pasin na rot bilong ileksen em i nupela olsem na ol mas kisim was long dispela.

Em i tok nau yet ol i nogat inap namba bilong polis na samting bilong wok tu i nogat. Tasol kain bung olsem i givim ol gutpela tingting long plenim long sait bilong ileksen sekyuriti na kamapim wanpela gutpela ileksen

Em i tok tu olsem ol Provinsel Polis Komanda (PPC) insait long kantri mas wok bung wantaim na kamapim ol ileksen stiarng komiti bilong polis (election steering committee) na ol dispela lain i mas wok bung wantaim ol wanwan ilektral opis long provins long skelim save bilong wok bung wantaim.

Ilektral Komisen i holim ol kain bung olsem wantaim ol stekholda olsem polis na midia pinis.

Bikpela samting em long skelim

save na rot o wei bilong ronim ol kain bung olsem na ol ino ken kamapim o bungim hevi taim ol i kamapim ileksen.

Warap i tokim ol sinia opisa (NCO) olsem ol i lainim planti ol gutpela samting insait long dispela wanpela wik bilong woksop na ol mas bungim ol dispela tingting wantaim long kamapim wan-

pela gutpela ileksen long 2012.

Meri i go pas long dispela bung, Regina Lunge, i tok ol i bin lainim ol polisman long wanem kain ol birua em ol i save bungim long olgeta taim na tu ol sampela nupela lo bilong miting na ol rot bilong holim ol dispela ileksen.

Wanpela long ol dispela nupela

we, em Famili Vot Listing bilong Simbu we nau ol i wok long en na ol i bin yusim long bai ileksen bilong Kundiawa Gembok. Ol i traim dispela pastaim na sapos em i kamap gut insait long 7-pela Hailans provins, bihain em bai ol i kamapim long ol narapela provins insait long kantri tu.

Basil tok Amet noken tanim tingting bilong ol jas

MINISTA bilong Nesenel Plening na Monitoring, Sam Basil, i singaut long bipo sif jastis na Gavana bilong Madang, Se Arnold Amet, long noken traim tanim tingting bilong ol jas.

Mista Basil i tok Se Arnold i mas luksave olsem em i no moa sindaun long bens olsem sif jastis, na nau em i wanpela politisen na memba bilong oposisen.

"Dispela kain toktok em i wok long mekim long Suprim Kot disisen long strong bilong ol samting i kamap long



Sam Basil.

Ogas 2 long Palamen.

"Larim ol jas i mekim wok bilong ol, na noken traim sutim bel bilong

ol," Mista Basil i tok.

Memba bilong Bulolo i go het long makim ol senis i bin kamap taim Se Arnold i bin Atoni Jeneral long bipo gavman.

Em i tok larim bilong Se Paulias Matane long sanap olsem gavana jeneral, na bihain, Suprim Kot i rausim em long dispela wok; disisen bi-long makim tupela

medikal dokta long sekim helt bilong Se Michael Somare moa long tripela mun; na em i bin sutim tok long judisari long banisim ol kabinet minista Suprim Kot i bin saspensim aninit long lidasip traibunel.

"Mipela i luksave long wok bilong Judisari, na em i ken mekim ol disisen bilong em yet. Mipela olsem gavman bai skelim wanem kain wok stretim bai mas kamap. Ol jas em ol Papua Niugini manmeri, na olgeta i stap hia long kantri. Plis, larim ol i mekim wok bilong ol."

KIKSTATIM DEI WANTAIM

NESCAFE Pacific 3in1

PNG bai gat Soveren Welt Fan

Aja Alex Potabe i raitim
MOA mani i kam long maninig na petroleum projek long PNG bai lus nating long han bilong ol gridi lida aninit long nogut gavman.
 Maining na petroleum projek i bin sapotim ekonomia bi-

long PNG long laspela tenpela yia i go pinis, na nau tu 60 pesen bilong nesenel winmani i save kam long dispela bikpela sekta.
 Praim Minista Peter O'Neill hap aste i tokim Maining na Petroleum Semina long Gateway Hotel olsem, PNG bai gat Soveren

Welt Fan (SWF) long putim gut olgeta winmani gavman bai kisim long maining na petroleum projek long kantri.
 O'Neill, husat i opim dispela foapela de semina, i tok gavman i stap rere long wok bung wantaim ol foren investa o kampani husat i kam mekim maining na petroleum

bisnis long PNG.
 "I no gutpela sapos ol i rausim olgeta samting na karim i go aut, tasol ol i mas amamas wantaim papagraun, gavman, na kampani taim ol i skelim mani bilong wokbung bilong ol long dispela maning na petroleum bisnis," em i tok.
 Maining na petroleum sekta long PNG i nau sapotim ekonomia bilong kantri. PNG Gavman bai kisim moa mani long dispela tasol ol man i no save wok stret long yusim mani gut.
 Long abrusim dispela, O'Neill i tok gavman bai kamapim SWF we em bai lukautim gut dispela mani.
 "Gavman i makim pinis bipo

praim minista, Sir Rabbie Namaliu, long kamap siaman bilong SWF, na ol bai makim ol gutpela na stretpela man long PNG long lukautim dispela fan," O'Neill i tok.
 Gavman bai neks wik kikatim toktok long kamapim loa bilong SWF taim ol i sindaun gen long palamen.
 Nau yet gavman i ronin SWF toktok o forum long kisim tingting bilong PNG manmeri na tu tokim pipel long wanem em SWF na gutpela bilong en long PNG.
 SWF i gat tupela fan: Developmen Fan na Stebilasesen Fan.
 Developmen Fan bai putim gut nesenel winmani gavman i kisim long gavman takis, o long ekwiti sea, em i gat long ol bikpela maining na petroleum kampani long yusim bihain taim long developim o kirapim kantri tru long edukesen, helt, rot na bris, agrikalsa, turism, na ol arapela samting tu.

Gavman bai yusim dispela yusim fand long ronim kantri bihain taim gol, ges na wel i pinis wanpela taim.
 Stebilasesen Fan i bai balensim mani insait long kantri. Taim planti mani tru gavman i kisim long wel, ges, na gol i stap long kantri, dispela bai kamapim inflesen.
 Inflesen kamap taim, prais o mani mak bilong ol samting bai i go antap. Dispela bai kamap taim ol pipel bai nonap stap gut.
 "Long dispela tupela bikpela as tasol, gavman i nau kamap wantaim dispela tingting bikos sapos ol gridi lida na nogut gavman i no putim o yusim gut nesenel winmani i kam long planti maining na petroleum projek nau, kantri bai kisim bikpela taim long bihain taim," O'Neill i tok.
 "Olsem na long abrusim dispela bikpela birua, O'Neill-Namah Gavman i nau rere long kamapim loa bilong SWF na makim ol stretpela man long lukautim dispela fand," O'Neill i tok.



LUKAUTIM ENVAIROMEN: Teilings Dam bilong Hidden Veli Maining Projek em gutpela tru na bai no inap kamapim envairomen birua.

Hidden Veli Maining i lukautim gut busgraun


HIDDEN Veli Maining bilong Morobe Maining Join Vensa (MMJV) long Bulolo, i save lukautim gut envairomen o busgraun na wara long maining projek eria bilong en.
 Namba tu bosman bilong Hidden Veli, Peter Hanningan, i tok laip bilong maining projek i nau i go antap long 14-pela yia na tu o bai mekim gut long envairomen.
 Em i tok ol injina bi-

long maining i mekim wanpela teilings dam we, kemikal ol i kolim sainaid bai i no inap long go aut long wara na bagarapim envairomen.
 "Olgeta pipia wara bilong maining i stap long dispela dam. Wara i hat long go arasait. Mipela i les long bagarapim envairomen. Olsem na mipela i les long larim sainaid i go long Watut wara na bgarapim pis na manmeri, " Hanningan i tok.

MMJV i save sekim Watut wara klotu klotu long stopim envairomen birua long ol pis na ol arapela samting long wara.
 Hanningan i tok em i amamas stret long putim seifti bilong envairomen i go pas, na tingting bilong mekim mani i kam bihain.
 MMJV em Harmony Gold bilong Saut Afrika na Newcrest Mining bilong Australi i lukautim.

Sinivit em i lokol maining projek

MAUNTEN Sinivit em i wanpela liklik maining projek long Is Nu Briten Provins.
 New Guinea Gold Corp (NGG) i operetim Sinivit projek. NGG em i wanpela liklik maining kampani na em i stap long long Toronto Stock Exchange (TSX) long Canada.
 NGG i save givim bikpela sans long ol lokol manmeri long lukautim dispela projek na wok long hap.
 Maining menesa bilong Sinivit em i wanpela man PNG yet. Siaman bilong dispela kampani, Ces lewego, tu em man PNG.
 lewego i tok, maski Sinivit em i liklik maning projek, em i save givim bikpela benefit long pipel bilong ENBP.
 Em i tok NGG i gat sea wantaim Coppermoly na Vangold tu, na dispela yia em i bin mekim gut winmani stret.
 Poto i soim ol lokol wok man i drilim graun long mekim wok eksplorasen long Sinivit.



a quality product of The Coca-Cola Company

NATURE'S OWN™

Purified Water

Sapotim tokaut bilong HIV na AIDS!

Coca-Cola Amatil i makim K200,000 olsem moni mak, na mipela askim olgeta man na meri bilong Papua Niugini long sapotim dispela kempein.

Taim yu baim wan wan Nature's Own botol wara, Coca-Cola Amatil bai givim halivim long wok bilong National AIDS Council.

Get a HIV test and Plan your future Visit a VCT today

PNG MADE



WOL KLAS MAINING: Barrick Gold i ronim Porgera na em i bikpela wol-klas gol maining long PNG bihanin long Lihir, Ok Tedi na Hidden Valley. Poto: PJV Media Unit

Loa na Oda i ken bagarapim Porgera Main

Porgera em i wanpela bikpela wol-klas maining projek long PNG, tasol loa na oda i no stap gut long hap na dispela i ken bagarapim wok maining.

Las wik tasol bikpela pait i bin kamap long Kairik Ples Balus bihain long ol man i repim wanpela nes meri husat i mama bilong faviwepela pikinini.

Dispela em i wanpela bilong planti loa na oda birua i wok long kamap long dispela eria we bikpela wol klas maining projek i stap long en.

Prosesing Menesa bilong PJV Mill Deptmen, Ridge Nyashanu, i tokim Maining na Petroleum Semina hap aste long Gateway Hotel, long Mosbi olsem ol Spesol Maining Lis (SML) papa-graun i mas sapotim Barrick long mekim gut maining wok bikos, kamapani i save luksave long komyuniti.

"Planti ol manmeri i

save go insait long maining eria na stilim gol bilong kampani," Nyashanu i tok.

Em i tok ol man i wok long karim gan, bia, mariwana na ol arapela samting loa i tok tambu long en.

Dispela i ken kamapim birua long pipel ol yet na long wok manmeri bilong kampani na maining wantaim.

"Barrick i save givim planti halivim long komyuniti. Mipela i save trenim ol lokol manmeri long wok maining, givim sponsasip, givim helt na

edukesen sevis, stretim rot na bris, na sapotim spots na agrikalsa tu," em i tok.

Tasol ol manmeri i no yusim gut het bilong ol long luksave long dispela gutpela samting kampani i mekim long halivim komyuniti.

Nyashanu i tok tenkyu long Polis, ol gavman ejensi, na sios, long wok bung wantaim ol long bel isi na gutpela sindaun insait long Porgera veli.

Porgera maining i bin kamap long 1990 na las yia tasol ol makim 20-pela yia bilong wok maining.

Tiensten i kisim bek sia bilong Pomio

BIPO Minista bilong Nesenel Plening na Monitar-ing, na Memba bilong Pomio, Paul Tiensten, i kisim bek sia bilong en bihain long Spika Jefferey Nape i bin rausim dispela disisen long rausim em long wok memba long Tunde wik i go pinis.

Nape i tokim Palamen long Fraide olsem em i les long larim Tiensten tingting planti na westim taim long kot bikos Ilekse 2012 bai kamap klostu taim tu na nogat planti taim i stap long lukluk i go insat long dispela keis.

Tiensten i no bin kam sindaun long sia bilong en long tripela de olgeta taim Nape i rausim em.

Bihain long sindaun bilong Palamen long Fraide, Tiensten i tok, rausim bilong en em i samting bilong Nesenel Kot long lukluk i go insait na skelim, bihain long Palamen i muvim wanpela mosen long salim em i go long kot long em i bin misim dispela tripela sindaun bilong Palamen we Nape i toktok long en.

"Mi bin misim tripela sandaun tasol. Sapos mi misim tripela tu, Nape o Palamen i



Tiensten: Kisim bek sit bilong Pomio.

nogat pawa aninit long Seksen 104 (2) (d) bilong Mama Loa long rausim mi long sia bilong Pomio," Tiensten i tok.

Tiensten i tok tenkyu long Nape long senisim tingting bilong en long gutpela bilong kantri, tasol em i tok, em bai kisim Nape i go long kot yet bikos em i bin komitit 'kontempt bilong kot' bikos Nesenel Kot i no mekim yet disisen long frod skwat i bin saspekim en long paulim K10 milian.

"Nape i komitit 'sabjudisial' bikos em i no bihainim loa stret long rausim mi. Bai mi tupela i go long kot yet," Tiensten i tok.

PNG bai gat nikel maining tu

MAINING Projek long kantri i save painim gol, kopa na silva tasol i no long taim PNG bai ekpotim o salim tu ol arapela mineral olsem nikel na kobalt.

Ramu Nikel Projek bai klostu taim tasol kamapim wol-klas nikel na kobalt maining.

Insait long 20-pela yia main laip bilong en, MCC Ramu Nico bai rausim 142 milian tan nikel na kobalt o long Kurumbukari Main na salim i go long Basamu Bay refinari.

Long Basamuk Bay ol bikpela sip bai kam kisim Nikel na Kobalt long karim i go long China.

MCC Ramu Nico bai rausim 31,150 tan nikel na 3,300 kobalt long wan wan yia. Wok on-

straksen Kurumbukari Main sait na Basamuk Bay refinari i bin stat long 2009 na i pinis long 2010.

Wok kontraksen i bin isi bikos ol papa graun i bin tok MCC i bagarapim busgraun na wara bilong ol, na kisim kampani i go long kot.

Tasol ol i kot pinis na PNG Gavman i givim envairomen laisens o tok orait long Septemba 2011.

MCC bilong China, Highlands Pacific, na MRDC i onim Ramu Nikel Projek.

Narapela nikel maining projek tu bai kamap long Oro Provins. Nau yet wanpela eksloresen kampani, Niugini Nickel, i mekim wok eksloresen long Wowo Gap long Oro Provins.

Dairekta bilong Niugini Nickel, Warwik Davis i tok, ol i drilim pinis 298 hol na dispela i soim gutpela mak bilong nikel.

Davis i tok ol i mekim wok eksloresen long 10-pela yia olgeta na ol i save halivim tu ol lokol manmeri long hap.

"Mipela i gat 280 wok manmeri bilong Wowo yet. Mipela save halivim komyuniti tu. Mipela mekim wara saplai, skul, na kasava plentesen bilong lokol manmeri. Mipela i save givim fri medikol sevis long pipel tu," Davis i tok.

Em i tok Niugini Nickel i no tinting long rausim mineral tasol em i laik kam stap wantaim ol pipel na halivim lokol komyuniti long kirapim PNG.

TELL update

A New Touch of Life with Citifon
Citifon introduces Huawei C8650 Touch Phone at an introductory price of K699 free K20 Telikad inclusive.

- Handset Features**
- Email
 - Wifi (Hotspot) support networking and sharing with multiple users
 - Internet access (1 X & EVDO speeds up to 3.1 MBPS)
 - 3.0 Megapixel Camera
 - Micro SD card slot for up to 32G
 - Blue tooth
 - FM Radio
 - Dual mic
 - 3.5 inch LCD display screen
 - Single SIM (CDMA RUMI)

Post - Paid smart Plans

Plan Name	Gold Deal	Silver Deal	Platinum Deal
Monthly Rental	K130	K100	K100
Huawei C8650 Innet Fee	FREE	FREE	FREE
Prepaid (mins)	250	100	50
Text	250	100	50
Color Call	300	200	100
Sign Up Fee (one off)	K5	K30	K100

*Terms and Conditions Apply

Post - Paid Excess Charges

TYPE	Excess Charge
Minutes	99¢ per min
SMS	30¢ per sms
Megabytes	29¢ per mb

*Off net rates.

Touch phone users can also access their Post - Paid Bills by sending a request to registration@telikompng.com.pg

E - Bill
Telikom PNG has introduced the E - Bill application for its postpaid customers to conveniently access their telephone bills on-line in PDF format 24/7 without having to go through huge piles of bill print outs and the hassle of waiting in queues at Telikom Business Offices to collect bills.

Registration
If you're Post Paid customer, you can register now by simply sending an email to registration@telikompng.com.pg with the following details:

- Telephone Account Number
- Customer Name
- Contact Person
- Phone Number
- Mobile Number

After sending the above details, a receipt of your email will be acknowledged by Customer Care notifying you of your log on details i.e. password and username will be sent to you in no more than 24 hours.

Username & Password
Once a customer has received their username and password, they can access their bill on-line via the Bill Web Care page on Telikom PNG website.

Customers are also given the flexibility of changing their password after initial registration.



Hela lida i tok tenkyu long PNG

SAUTEN Hailans Gavana, Anderson Agiru, na tripela memba bilong Hela i tok tenkyu long olgeta memba na pipel bilong PNG long sapotim Hela na Jiwaka Provins Bil.

Agiru wantaim James Marape (Tari-Pori), John Kekeno (Koroba-Kopiago) na Francis Potape (Komo-Maragarima) i tok tenkyu long olgeta 83-pela memba husat i makim maus bilong pipol bilong ol na votim na sapotim kamap bilong Hela olsem nupela provins.

“Mipela i amamas nogut tru long tok tenkyu long pastaim Somare gavman, na nau O’Neill gavman long larim pipel bilong Hela na Jiwaka kisim provis blong ol yet. Bai mipela i wok bung wantaim long developim dispela nupela na yangpela provins na stretim gutpela sindaun bilong manmeri,” ol i tok.

Ol i tok Hela na Jiwaka bai kamap olsem tupela sista na bai tupela i no inap lus tingting long Sauten na Westen Hailans Provins tu.

Ol i tok karai na singaut bilong pipel bilong Jiwaka na Hela i nau



karim kaikai wantaim sapot bilong olgeta 83-pela memba.

HELA I TOK TENKYU: Sauten Hailans Gavana, Anderson Agiru, i toktok taim ol arapela memba bilong Hela i sindaun. Poto: Nicky Bernard

Nupela rot bai joinim Papua na Niugini

WANPELA nupela rot bai i no long taim tasol joinim Papua na Niugini.

Dispela em i plen bilong Minista bilong Nesenel Plening, na Memba bilong Bulolo, Sam Basil na Memba bilong Goilala, Mathew Poiya.

“Mi tupela i plen long joinim Morobe na Sentral Provins. Dispela rot bai joinim Bulolo na Goilala,” tupela i tokim ol niusmanmeri las wik Fraide long Vulupindi Haus long Mosbi.

Tupela memba i bin bungim Join Districk Plening na Bajet Praioriti Komiti (JDP-BPC) bilong Bulolo na Goilala, na ol i bin amamas stret na wanbel wantaim long mekim dispela rot.

Dispela rot bai i no inap long westim bikpela mani bilong gavman, bikos hap wei rot em i stap pinis na Bulolo na Goilala i no long we. Em bai kamapim tu planti gutpela samt- ing. “Goilala i gat gut-

pela graun long planim kofi na ol arapela kaikai long salim na mekim mani. Ol pipel i ken kisim sevis long dispela rot,” Poiya i tok.

Basil i tok long hap sait long Bulolo, planti wok eksplorasen long painim gol i kamap, na dispela rot bai halivim ol maining kamapani long kamapim gut wok bilong ol. Em i tok ol manmeri long Bulolo na Goilala i no save kisim gavman sevis olsem edukesen, helt, agrikalsa, na gutpela rot na bris.

Tasol taim dispela rot i kamap, ol bai senisim laip bilong ol na kamapim gutpela sindaun bikos rot tasol bai karim ol dispela arapela gavman sevis i go insait long dispela tupela ples.

JDP-BPC na tupela memba wantaim i wanbel long wok bung wantaim, na maski wanpela bilong tupela o tupela wantaim i lus long lleksen 2012, ol bai kamapim dispela rot yet.

PNG bai kamap gutpela ples long flaim balus

PNG bai kamap gutpela ples long flaim balus bikos PNG Ea Trensport Sevis (PNG ATS) i nau kamap wantaim gutpela developmen plen bilong ronim gut ol ples balus insait long kantri.

PNGATS i lonsim 2011-2015 Dvelopmen Plen bilong en long Mande dispela wik long Holiday Inn, Mosbi, long ai bilong planti ol bikman bilong sivil aviesen indastri long PNG na tu long Australia, Canada, na Japan.

Minista bilong Sivil Aviesen,

Puri Ruing, husat i lonsim dispela plen, i tok, PNG bai kamap gutpela kantri long flaim balus bikos PNGATS i plen long ronim gut ples balus, kontrol tawa, sevelens, seifti, na stopim ol balus birua.

Ruing i tok tenkyu long Menesing Dairekta bilong PNGATS, Ted Pakii, na Siaman bilong PNGATS, Colin Kuchel, long kamapim dispela strongpela plen long gutpela bilong PNG.

“PNG nogat gutpela rot link.

Planti manmeri bilong yumi i save yusim balus long flai i go i kam. Dispela plen bai kamapim gut seifti bilong ol balus na pasindia manmeri husat i stap long balus.

“Insait long plen, bai mipela kisim ol save manmeri long ronim ATS na tu yusim moden teknoloji wantaim halivim bilong kompyuta. Dispela bai bihainim ron bilog balus, na bai isi long painim aut ass bilog balus birua na nogut hap long flaim balus,” Ruing i tok.

Siaman Kuchel i tok tenkyu long Gavman bilong Australia long halivim ATS, na tok em i amamas long wok wantaim ol.

“Mi amamas long yumi wok bng wantaim long sevim laip bilong manmeri. Bai yumi wok bung wantaim long sevim bikpela mani bilong gavman na mekim wok gut. PNG bai kamap gutpela kantri long flaim balus na siefti level bilong balus bai stap antap tumas,” Kuchel i tok.



SOIM DEVELOPMEN PLEN: Minista bilong Trensport, Francis Awesa (L) na Sivil Aviesen Minista, Puri Ruing, i soim developmen plen taim siaman bilong PNG Ea Trensport Sevis, Colin Kuchel (baksait) na ekting Hai Komisina bilong Australia, John Feakes i lukluk. Poto: Nicky Bernard

Wok wantaim na stopim pasin bilong paitim na bagarapim meri

Veronica Hatutasi i raitim

TOK i go aut long ol meri i putim waitpela riben long klos klostu long lewa bilong ol na yunait na mekim samting long stopim pasin bilong paitim na bagarapim meri.

Lorna McPherson, em Operesens Dairekta bilong wanpela long ol bikipela mobaik telepon kampani long PNG, Dijisel, i tok olsem las Fraide long luksave long Intanesenel De bilong Rausim Pasin bilong Paitim na Bagarapim ol Meri.

Long dispela de, Dijisel i bin bungim planti ol yangpela wok meri bilong em na ol meri nius ripota long wanpela belotaim kaikai na ol i ken sindaun wantaim na toktok long ol samting bilong strongim ol long mekim samting long tok nogat na stopim pasin bi-

long paitim na bagarapim emir long famili, komyuniti na kantri.

PNG i gat nogut piksa long Pasifik rijen bikos pasin bilong paitim na bagarapim meri i stap antap tru, winim ol narapela kantri long (Pasifik) rijen na Esia. Yunaitet Nesens (UN) i bin kamapim dispela de, Novemba 25, olsem de rausim jenda vailens long haus, reip o pasin bilong bagarapim meri, pasin long stet o kantri i mekim nogut long ol politikel kalabus meri long kantri na wol.

“Olsem ol meri, ol wanwok, ol mama, ol susa na ol ating ol bubu, yumi ol meri i ken bungim ol bagarap long haus na komyuniti planti taim yumi nogat sav e long en.

“Olsem ol mama, yumi mas skulim ol pikinini bilong yumi long ol gutpela pasin na tu, luksave long ol meri

na tokim ol olsem pasin bilong pait i no gutpela.

“Vailens i stap long olgeta hap, long PNG na long olgeta hap bilong graun.

“Maski yu wok long opis, ranim bisnis bilong yu yet long infomel sekta, skul sumatin o marit meri i stap long haus, olgeta meri i save bungim sampela kain abius o ol man i paitim na bagarapim ol.

“Tasol ol i putim ol spesel de olsem long bungim sapot long olgeta meri na ol man tu long putim han wantaim na tok,”Nogat long vailens o pasin paitim na bagarapim meri. Inap em inap! Ms MaPherson, i tok.

Em i tromoi askim olsem ol meri long wanem samting yumi wokim nau long helpim ol meri we ol man bilong ol i paitim nogut na bagarapim ol.

“Yumi tanim baksait long ol na tok, em i bisnis bilong

mi?”

“Em i ken susa, pren, mama na bubu meri bilong yu, tasol em i meri olsem yu tasol!

“Putim yu yet long su bilong yu na bai yu pilim olsem wanem?”

“Yumi olgeta i mas kamap ol strongpela meri na putim han bilong yumi i go aut long helpim ol narapela meri we ol man i paitim na bagarapim ol,” Mis PcPherson, i tok.

Dijisel i gat Meri Seif Haus we i save helpim ol meri na pikinini we i kisim bikipela bagarap long ol man i paitim na bagarapim ol long haus na komyuniti.

Sapos yu laik putim ripot long wanpela meri o mama i kisim bagarap long man i kilkilim na bagarapim em, plis ringim Meri Seif Hotlain namba: em long 72221234 na helpim wanpela susa tude.

Ol meri ailan bilong Madang painim pis klostu long taun



Wanpela mama bilong Kranget i pul kanu na bihainim ol liklik pis talai arere long sip i anga long liklik bris arere long Madang Risot. *Poto: James Kila*

James Kila i raitim

OL MAMA bilong ol liklik ailan klostu long Madang taun olsem Krangket, Bilia, Ulifun na Panitibun i wok long surik i go klostu long taun na tromoi string long hukim pis arere long ol bikipela sip na bot we i go sua long bris.

Planti ol nupela lain husat i go long Madang bai lukim ol dispela mama i pul long ol liklik kanu bilong ol na tromoi string na huk arere long ol bikipela sip. Sampela ol mama ya i yusim yet ol pangal bilong saksak em ol i taitim string long en na i save tromoi long pulim ol liklikA pis olsem talai, langur na ol narapela pis we i save bung brung na raun long solwara arere long bris.

Ol mama bilong Kranget i muv i go hapsait long Dellman Pasis namel long Krangket ailan na Madang Risot Hotel na Godawan poin. Godawan poin em ples we Kalibobo memorial lait haus “lait toktok” i stap long en long soim rot long ol sip long go insait long Madang haba.

Ol mama bilong Kranget ailan i save pul long ol liklik kanu bilong ol wantaim ol bilum ol i putim antap long liklik bet na i save pul bihainim ol pis we i bung bung arere long ol sip

we i anga i stap long liklik bris bilong Madang Risot Hotel long Forum Pak.

Ol liklik pis ol mama i save pulim long string em ol i save kisim i go praim gut tru na salim long liklik maket bilong ol arere tasol long rot i go olsem long Madang Risot. Dispela ol maket bilong ol mama bilong Krangket i save salim ol naispela ol abus bilong solwara wantaim ol kaikai olsem banana, saksak we ol i save fraim long hap yet na salim. Em tru olsem kaikai bai hot yet na bai yu kaikai na em bai nais tru. Ol mama i save salim tu kulau na ol dring na wara na kodial long kolim nek.

Wanpela yut lida bilong ples Bilia, Alfred Sibut i tok olsem ol mama bilong ol ailan klostu long Madang olsem Kranget, Bilia, Panitibun na Ulifun em solwara em olsem gaden bilong ol. Wanem pis ol i kisim long solwara em ol i save go salim long maket na kisim mani long helpim famili long baim kaikai, karasin na ol narapela samting bilong haus.

Planti ol kastoma i save amamas long kaikai ol liklik pis bikos i gat swit long en, olsem na ol mama i save laik long pulim ol dispela pis na karim i go fraim na salim long liklik maket bilong ol.



YUNAIT NA MEKIM SAMTING: Ol wok meri bilong Dijisel na sampela ol niusmeri bilong ol wan wan midia ogenaisesen long Mosbi i bung long belotaim kaikai long luksave na wok wantaim long stopim pasin bilong paitim na bagarapim ol meri long las wik Fraide, em Waitpela Riben De.

Poto: Dijisel Pablik Rilesens

GLOBE
the perfect choice
VITAMIN ENRICHED

More Easy, More Tasty, More Healthy.

1 kg Rice
 NET MEDIUM GRAIN



**Yut, Meri na
Famili
wantaim
Lorraine
Siraba**

Planti skul pikinini i no save long rit na rait gut

PNG EDUKESAN Edvokesi Netwok (PNGEAN) i bin lonsim wanpela ripot ol i karimaut long 5-pela provins we i glasim ol bikpela samting long sait bilong edukesen long dispela kantri.

PNG Edukesen Ekspiriens Sevei na Literesi Asesmen ol i karimaut long Nesanel Kapitel Distrik, Simbu, Sandaun, Nu Ailan na Galp provins i bin painim tripela samting i no gutpela i wankain long dispela 5-pela provins.

Em long liklik lain tru i save long rit na rait, kwaliti long ol skul i no gutpela, mak long ol manki sumatin man na sumatin meri i no wankain long wanem, i gat moa sumatin man long ol skul long kantri.

Bikpela mak long ol lain i bin stap insait long wok painim insait long 5-pela provins em ol bin painim olsem ol i no save long rit na rait o ol i stap long namel mak na dispela i min olsem ol i no save gut long rit na rait. Wok painim i kirap nogut tru long painim olsem ol yangpela i skul nau i no save long rit na rait gut, na 6.6 pesen tasol i save long rit na rait gut na glasim na skelim ol samting.

Ripot i soim olsem situesen long Galp provins i kamapim wari long wanem, 6.6 pesen tasol i save gut long rit na rait.

Long NCD, Nu Ailan na Galp provins, 40 pesen long ol sumatin i stap long Praimeri skul level i no save gut long rit na rait, maski ol i stap long skul. Kwaliti long ol skul i no gutpela i no stap long praimeri skul level tasol, nogat. Em i stap tu long ol sekonderi skul, we ol sumatin i nogat bikpela save long rit na rait gut. Na dispela i karamapim ol skul pikinini long olgeta 5-pela provins.

Long NCD na Nu Ailan, bikpela long 37.5 pesen bilong ol sumatin i stap long ol sekonderi skul we sevei o wok painim i bin toktok long ol em ol i no save long rit na rait gut, maski ol i kisim ekstra tupela yia long skul long en.

Long Simbu, Sandaun na Galp provins, ol lain i stap long sekonderi skul na ol i ansaim ol askim long wok painimaut i hap hap tasol- ol i no save long rit na rait gut. i mas gat moa risets long painimaut nesanel piksa long dispela i sanap we, tasol dispela em liklik piksa long situesen i stap nau long edukesen level long kantri long ol nupela jeneresen husat bai kisim kantri i go fowet. Bikos literesi level i bikpela wari long PNG long wanem, literesi i no min i no save long rit na rait. UNESCO i tok mining bilong literesi olsem save long glasim na skelim, luksave, tanimm kamapim nupela tingting, komyuniket, yusim kompyuta na yusim ol samting ol i prinim na raitim long ol eria we ol i laikim long en. Literesi i strongim man i save long rit na rait na skelim na glasim ol samting, long inapim ol gol, developim save na mekim ol samting long strongim na kampim gut komyuniti na sosaiti bilong em.

Ol sosaiti we pipel i literet i save wok gut wantaim na kontribuit long ol wok developmen. Tasol developmen i no save kamap em yet, nogat. i mas gat ol manmeri i skul, gat save long mekim wok na wok gut na ol i ken helpim na lukautim gut ol samting we i ken bringim gutpela samting long kantri na pipel.

Pastaim Sekreteri bilong Yunaitet Nesens, Kofi Annan i bin tok literesi em i strongpela bilding blok bilong developmen we i helpim wok invesmen long ol rot, ol ol dem o bikpela tenk we wara taun i yusim i stap long en, ol klinik na ol faktori. Literesi em i pletfom long demokresi, an luksave long sait bilong kalsere na nesanel aidentiti. Na moa yet, long ol meri, em i ejen long famili helt na nutrisen na rot long pipel i go het.

Long dispela taim we planti gridi lain i wok long giamanim pipel bilong dispela kantri long salim graun bilong, literesi em i bikpela samting na pipel i ken glasim na skelim ol samting pastaim long wokim disisen bilong ol. Tasol i luk olsem yumi bungim hevi long edukesen. i moabeta long Nesanel Gavman na ol Developmen patna i luksave long dispela ripot we PNG Edvokesi Netwok i karimaut na mekim samting hariap long edresim ol salens we ripot i autim long en, na jeneresen i kam i ken gat gutpela na kwaliti edukesen.

NO GO ZONE

Dispela sainbot I gat pawa ya! Bak-sait long en em rotblok we ol Me'ekamui I sekim ol kar na manmeri long rot I go olsem long Panguna main, na I go olgeta long Bana, Siwai na Buin. Dispela famili bilong Sentrel Bogenvil I bin stap long liklik tasol gutpela rotsait maket namel long sainbot na rotblok, taim Meri Wantok I painim ol na kisim dispela poto bilong ol.

Poto: Veronica Hatutasi



PNG SUSTAINABLE DEVELOPMENT PROGRAM LTD



PNGSDP Strongim Komyuniti Onasip long daunim HIV – gutpela model

Stap long taim bilong wanpela projek mas stap long gutpela han na komyuniti i lukautim developmen bilong ol yet. Ol wok kamap long pastaim i skulim mipela olsem sapos komyuniti ino wok long projek bilong ol yet projek bai ino inap kamap gut. Mipela i lukim olsem long planti ol projek we i pundaun, em bikpela hevi em komyuniti i no wok bung wantaim long dispela projek. Long tingting bilong mipela planti ol projek i pundaun bikos ol lain i mekim plen i no luksave wanem rot tru projek bai kamap gut bikos ol i no plenim gut olsem projek bai helpim komyuniti o wan wan lain i stap long en. Mipela bilip ansa i stap long ol pipel.

Insait long Papua Niugini i gat planti ol traim i kamap long pait egens ol hevi HIV i kamapim long ol femili na komyuniti. Invesmen olsem kes mani na wok long abrusim HIV em bikpela tru tasol dispela salens i stap yet wantaim mipela yet. Askim i bin go long PNGSDP long lukluk long sampela rot we mipela i ken mekim long helpim na promotim sampela samting we bai i stap longpela taim na mekim gutpela wok. Wantaim gutpela wok bung wantaim Nesanel AIDS Kaunsil, ol Sios na skul, mipela i bringim kamap Komyuniti Konvesesen.

PNGSDP i bringim Komyuniti Konvesesen i go long Westen Provins, Simbu, Westen Hailans, Galp na Sentral Provins stat long 2007 long givim gutpela tingting long ol komyuniti long luksave olsem ansa long HIV i stap wantaim komyuniti yet. Ol komyuniti na wan wan lain insait long komyuniti i ken mekim bikpela wok taim ol i luksave olsem ol yet i gat ansa taim ol i wok strong long helpim ol yet.

Progrem ya em ol i wokim gut na PNGSDP i bringim kamap long givim trening bilong Komyuniti Konvesesen i go long wanpela komyuniti. Insait long ol viles bikpela tingting em long wok wantaim ol viles lida – olsem HIV sik i stap na hevi bai komyuniti i kisim olsem na komyuniti mas wok strong long daunim dispela hevi ol yet. Planti taim long ol komyuniti long PNG taim ol pipel i ting tasol olsem wanpela i gat dispela sik, ol i save rausim em olsem wanpela tewel. Tasol dispela man o meri em brata o susa, mama o papa. Olsem na wanem rot tru bai komyuniti i daunim dispela pasin nogut sapos yu save olsem dispela man o meri em femili memba bilong yu?

Progrem i bihainim lo em olgeta lain i amamas long en, em i givim spes long olgeta lain, yangpela, lapun, man o meri long givim tingting bilong ol long daunim o abrusim dispela sik na tu helpim ol lain husat i gat dispela sik na stap insait long komyuniti. Ol lain husat i kisim trening save stap long komyuniti na ol disisen long helpim na kamapim senis i kamap long helpim komyuniti. Em longpela rot tru. Em i save pait egens ol pasin long nogat helpim, bagarapim wok bung namel long ol manmeri, lo na oda hevi, spak brus, dring bia na pilai laki nabaut. Wanem hevi kamap long komyuniti em komyuniti yet mas stretim.

Wantaim ol samting kamap long komyuniti em ol yet mas stretim. Bringim kamap Komyuniti Konvesesen i abrusim tingting bilong stretim hevi harim na dispela i save kamap taim komyuniti i wok klostu wantaim ol Sios grup olsem tingting bilong wok wantaim olsem wanpela pipel i draivim dispela kempein i go strong long kontrolim HIV long go bikpela. Em i go isi tasol mipela i lukim olsem 500 pipel i kisim trening na ol i givim trening i go long planti tausen lain.

Husat i ridim dispela mas save olsem, narapela HIV man o meri long viles o komyuniti bilong yu em bai wanpela femili memba bilong yu olsem na yu mas tingting gut long ol samting yu save yu mas gat:

- *Wanpela komyuniti infomesen lis na wanpela plen long abrusim HIV long go bikpela long viles bilong yu long namba wan taim tru na abrusim ol pasin nogut we i kamap insait long komyuniti we i ken kamapim sik.*
- *Taim HIV sik i kamap, wanem rot tru yu ken sapatim ol dispela lain i gat sik na noken long bagarapim ol.*

Mipela tok tenkyu long UNDP long dispela gutpela tingting, Nesanel AIDS Kaunsil, na Kaunsil bilong Sios, Provinsal Helt Divisin na ol Provinsal AIDS Komiti long gutpela wok bung long daunim dispel hevi.

PNGSDP bai long ol narapela ripot bihain i stori long wanem gutpela wok i kamap insait long dispela projek.

I kam long Ofis bilong CEO (article# 21 bilong 2011)



CEO: David Sode

Sogeri opim nupela dabel stori klasrum ...Kisim K10 milian long nesenel gavman

Veronica Hatutasi i raitim

NAMBAWAN skul long kantri we i kamapim planti lida long olgeta level long PNG, em 68 krismas skul, Sogeri Nesenel Hai, i ken kamapim bek gutpela rekot bilong em olsem long pastaim wantaim gutpela ples long skul na slip long en.

Dispela i kamap wantaim ol nupela klasrum we ol sumatin i ken sindaun gut na skruim save bilong ol, ol tisa i ken sindaun na redim na skulim ol sumatin, ples bilong ol sumatin na ol tisa i slip long en na ol narapela bilding skul i laikim.

Long dispela wik Mande, skul i bin opim tupela nupela dabel stori klasrum bilong Inglis na Sosel Saiens na ol i gat 8-pela klasrum insait long ol we 550 sumatin i stap long skul long Sogeri Nesenel Hai long dispela yia na ol dispela bai kam bihain bai kisim gutpela samting long ol.

Kampani Pantreid Pacific Limited, em kampani i karimaut planti wok bilong Edukesen Dipatmen, i bin bilding dispela nupela dabel klasrum bilding long Sogeri wantaim ol strongpela ain na brik long manimak olsem K1.6 milien insait long 4-pela mun tasol.

Skul prinsipel Benny Rayappan na skul gavaning bot bilong em na ol sumatin i bin gat dabel amamas long dispela de bikos antap long opim ol nupela klasrum, ol bin kisim K10 milian presen i kam long Nesenel Gavman wer Edukesen Minista, Theo Zurenuoc, i bin prisanim i go long prinsipel long bildim moa klasrum, haus slip bilong ol sumatin na ol tisa na ol narapela skul bilding.

Em ol bilding olsem Saiens leboratori na 6-pela nupela klasrum, Laibreri na Malti Midia klarum, nupela haus slip bilong ol sumatin man na ol sumatin meri na ol toilet blok, stretim wara na toilet sistem, stretim ol haus slip bilong ol tisa na



K10 MILIAN PRESEN: Edukesen Minista, Theo Zurenuoc, i prisanim K10 milian dami BSP Benk sek i go long skul prinsipel, Benny Rayappan, na Skul Bot Siaman, Gogobe Mairi. Foto: Edukesen Midia

ol narapela woklain, mes o ples bilong kuk na kaikai, banis raunim skul eria na malti pepos hal na edministretiv bilding.

"Gavman bilong O'Neill/Namah i wok long putim bikipela mani long edukesen bikos mipela i bilip olsem edukesen em i bikipela samting long skulim na trenim ol sumatin husat i humen risos bilong yumi.

"Gavman i laikim gutpela senis i kamap long edukesen sistem na em i rausim Autkam Beis Edukesen (OBE) kurikulum.

"Spesel task fos i sanap pinis long karimaut dispela kurikulum rifom o senis.

"Bai mipela i stretim bek ol klasrum na ol narapela bilding insait long ol skul na statim fri edukesen polisi long elementeri i go antap long Gret 12 neks yia," Mista

Zurenuoc husat i wanpela eks sumatin bilong Sogeri, i tok.

Em bin autim tok tenkyu i go long pastaim gavman, pastaim Edukesen Minista James Marape long komitmen na sapot bilong ol long skul.

Stat yet long sampela yia i go pinis na aninit long lidasip bilong Mista Rayappan, skul i wok long kisim gutpela helpim i kam long nesenel gavman aninit long Edukesen Dipatmen, Nesenel Distrik Gavana husat i wanpela eks sumatin bilong Sogeri, Powes Parkop, nau Helt Minista, Jamie Maxtone-Graham, ol eks Sogeri sumatin long kamapim bikipela hap mani we i helpim sanapim ol narapela skul bilding insait long las tupela yia.

Praim Minista, Peter O'Neill, taim

em i tok amamas long Sogeri long kamap namba wan long ol 6-pela nesenel hai skul insait long kantri long yusim bikipela mani long bildim na stretim ol klasrum na ol narapela skul bilding.

"Sogeri Nesenel Hai Skul i mekim bikipela samting long sanapim dabel stori i gat 8-pela klasrum blok long en. Dispela i soim olsem dispela (Sogeri) nesenel hai skul i gat bikipela tingting long givim gutpela ples we ol sumatin i ken sindaun na kisim gutpela lainim long en," Mista O'Neill, i tok.

Mista Zurenuoc i tok gutpela pasin i bikipela samting na PNG i tok olsem em i wanpela Kristen kantri na em i mas mekim samting stret long lukim olsem dispela tok-tok i karim kaikai.

"Yumi mas putim Kristen pasin na bilip insait long ol skul we bai kamapim ol gutpela sumatin," Mista Zurenuoc i tok.

Taim em i tok amamas long gutpela lidasip bilong Prinsipel Rayappan long yusim gut mani na wokim ripot long rot ol i yusim mani, em bin tok "ol strongpela pipel wantaim raitpela tingting na liklik sapot i save kamapim wok."

"Ples i gat piling bilong yuniti we skul i save promotim na i stap long planti yia i go pinis we i mas kamap long olgeta hap bilong kantri," Mista Zurenuoc i tok.

Stretim na bildim ol nupela klasrum na ol haus slip na ol narapela skul bilding moa bai redim na ol nesenel skul bilong ekselens we bai stat long ol nesenel hai na sampela sekunderi skul long kantri neks yia.

Prinsipel Rayappan taim em i autim bikipela tok tenkyu i go long ol lain i bin helpim long givim mani bilong ol skul klasrum projek na tu, taim em i givim skul ripot, i bin tok ol bin opim Sogeri Nesenel Hai Skul long 1944 bihain tasol long Wol Woa 2 olsem wanpela trening skul long Papua.

Em bin tok long taim bilong pait, moa long 3,000 Alaid soldia bilong ol poroman kantri olsem Australia, Amerika na ol narapela poroman i bin beis long Sogeri.

Em bin tok skul i kamapim planti lida long kantri husat i holim ol bikipela wok i stap olsem papa bilong kantri na pastaim praim minista, Se Michael Somare, pastaim Gavana Jenerel, Gren Sif Se Paulias Matane, nau Deputi Praim Minista Belden Namah, Mista Zurenuoc, Gavana Parkop na lista i longpela moa yet.

Skul graun nau i luk naispela moa wantaim planti ol nupela skul bilding nap les i luk grin, klinpela na naispela moa.

10-pela PNG manmeri winim Australia lidasip awod

OL bin tokim ol lain i winim lidasip Awot bilong Australia, (ALA) olsem ol bai kamap ol lida man na meri long bihain taim bilong dispela kantri.

Hai Komisina bilong Australia long PNG, Ian Kemish, i bin tok olsem long 10-pela PNG man na meri i bin winim ALA awot insait long seremoni i bin kamap long Mosbi long las wik Fonde nait.

Mista kemish i bin tok ol bin ofaim 200 spes na 6-pela meri na 4-pela man long PNG i bin kisim dispela ALA awot em ol top lain i bin putim aplikesen na resis wantaim ol man

na meri long 100 kantri long wol.

"Yupela i mas praut long kisim dispela risal. Em i klia olsem yupela i fit long kamap ol lida manmeri bilong dispela kantri long bihain taim," Mista Kemish i tok.

Tupela long ol i gat wanpela man na wanpela meri i bin kisim tu Allison Sudradjat awod. Em long mary Magabe husat i wanpela midwaif nes na bai i wokim Mastas Digri kos, na Arthur Sorrec husat i wanpela, a yunivesiti leksera na gainakoloji konsalten. Em bai wokim Mastas Digri long Pablik Helt.

Long wankain taim tu, pastaim presiden bilong Otonomes Bogenvil gavman, James Tanis, i bin winim Edukesen Awod bilong Australia Hai Komisina na em bai go skul long Australia Nesenel Yuni-versiti long Kenbra (Canberra).

Ol lain i bin winim awod em long Tabian Ambang, Biatas Bito, Terence Simbiwen, Hitelai Polume-Kiele, Janet Rangou, Mary Warus, Naomi Yupae, Esther Pelly, Mary Magabe, Arthur Sorrec na James Tanis.



OL WIN MANMERI: Ol lain ALA wina wantaim Hai Komisina, Ian Kemish. Foto: Australia Hai Komisina Midia



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Bris i bruk na pundaun kilim tripela pipel long Indonesia

TRIPLELA pipel i dai, na 17 arapela i kisim bagarap taim wanpela bris i bruk na pundaun long Bonio (Borneo) ailan long Indonesia.

Sampela kar na wanpela bas i bin pundaun i go insait long wara taim bris i pundaun.

Ripot i tok planti long ol pipel i kisim bagarap, ol i kisim bagarap long het bilong ol.

Amerika Samoa gavman laik apim fi bilong helt

GAVANA bilong Amerika Samoa, i bin askim gavman long larim pastaim prais bilong ol sik pipel i save baim haus sik inap long stat bilong yia biahin.

Nesenel haus sik long ailan i bin laik apim wanpela fi bilong ol dokta long 10 Amerika dola i go inap long 50.

Na prais bilong pipel i stap long haus sik bai tupela taim moa.

Gavana i bin laik bikpela haus sik long ailan i larim dispela apim bilong fi inap long palamen i holim miting bilong em long yia biahin.

Dispela haus sik long ailan, nau i bin bungim bikpela sot long mani, dispela long wanem gavman bilong Amerika Samoa i mas baim mani bilong yia i go pinis i go long haus sik, tasol em i baim hap mani tasol, olsem na haus sik nau i painim em isot long mani long mekim wok bilong en.

Long dispela taim, gavman bilong Amerika Samoa i no tok klia olsem wanem na em i no baim olgeta mani em haus sik i mas kisim long en.

Ripot long ol trabel long ol ditensen senta i kam aut

WANPELA indipenden ripot long ol trabel i bin kamap long Australia ditensen senta long stat bilong dispela yia, i bin painim olsem ol atoriti i bin painim hat tru long stopim dispela bikpela trabel.

Minista bilong Imigresen, Chris



Matmat bilong foapela hostes ol FARC paitman i kilim...

OL kofin bokis bilong foapela lain ol paitman bilong rebol grup FARC i bin holim pasim na kilim ol. Foapela i kisim ol militari ona long Bogota, Colombia, long Novemba 29, 2011. Ol rebol i kilim ol biahin long ol i holim ol i stap moa long tenpela yia.

Bowen, i bin askim long holim dispela wok painim i go insait long ol wok sekyuriti long Krismas Ailan na Villawood Ditensen Senta biahin long ol trabel i bin kamap long mun Mas na Epril.

Dispela ripot i bin tok dispela trabel i bin kamap long wanem i bin gat planti pipel tumas long ditensen senta, na bikpela namba bilong ol refuji em i no kisim tok orait long aplikesen bilong ol.

Narapela wari tu em long i no bin gat klia save namel long federal na stet polis, na lain i ronim dispela senta, Serco, long husat long ol i mas go pas long stretim dispela trabel.

Tasol Imigresen Minista Bowen i bin tok dispela hevi i bin hat tru long stretim.

Australia gavman nau i tok orait long 48 ol tingting insait long dispela ripot.

Namel long ol dispela, em long senis long save gut wok bilong sekyuriti kampani na polis long mekim sapos kain hevi olsem i kamap gen biahin.

Sivil Sosaiti i askim long mekim samting long mani halivim

OL Sivil Sosaiti raun long wol i putim strongpela askim long ol bikpela kantri, na gavman bilong ol i long i mas mekim moa samting long lukim olsem dispela ol halivim mani i go stret long ol samting ol i laik givim long en.

Lain i makim ol sivil sosaiti grup i bin holim bung bilong ol long Busan namba tu bikpela siti bilong Saut Korea, i bin tok ol gavman i bin asua tru long biahinim 2005 Paris Deklaresen long ol halivim ol bikpela kantri i save givim i no wok gut.

Ol i askim olsem pasin bilong givim mani i mas kamap long stretpela pasin, stretim wari bilong mani ol i makim long ol projek i mas go stret long ol dispela projek, na tu, luksave long rait bilong ol NGO grup na wok ol i save mekim.

Wanpela long ol siameri bilong

ol sivil sosaiti, Emele Duitutuga, i bin toke m i bilip ol gavman inap stretim ol wari bilong bipo.

Ol tingting bilong ol Sivil Sosaiti bai ol i putim kamap long tripela de Ministerial Forum em i kirap dispela wik.

Pasifik rijen bai bungim mani wari long Global Fan

WANPELA bikpela HIV AIDS kempen long Pasifik i bin tok rijen nau bai bungim mani wari biahin long bikpela dona em long Global Fan, i bin senisim fanding sistem bilong em.

Sif Eksekutiv Opisa bilong Pacific AIDS Faundesen, Maire Bopp, i bin tok Global Fan i bin kanselim narapela raun long ol mani halivim bilong em, na putim narapela tingting olsem transisenal fanding arensmen.

Mis Bopp i bin tok dispela ol senis i min narapela kain tingting long ol lain o ogenaisesen i save givim halivim long HIV-AIDS insait

Cook Ailans i sainim tok orait bilong pis wan-taim Saina

WANPELA marin o solwara opisal bilong Cook Ailans i bin tok dispela tok orait ol i kamapim namel long ol na Saina bai biahinim ol pasin bilong kisim pis bilong Pasifik.

Ol Pasifik kantri em ol i stap insait long bikpela eria bilong tuna pis i no bin kisim klia toksave long dispela tripela yia tok orait namel long Cook Ailans na ain, em bai larim 20 ol bot bilong Saina long go insait na kisim bikpela ai tuna na sotpis long ol hap solwara bilong Cook Ailans.

Ol i ting dispela inap kamap 600 tausen Amerika dola long ol fi insait long sampela yia tasol.

Bem Pnia bilong Cook Ailans Marin Risoses i bin tokim Radio Australia ol memba bilong Nauru Agrimen long tuna i no bin kisim gut klia toksave long dispela.

Tasol em i tok ol bai kontrolim

Pacific BEAT

4. 5. 6am & 4pm. 5pm including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Noken bagarapim baset bilong kantri

Nesanel Gavman i surukim baset bilong kantri i go long neks wik Tunde 6 Desemba 2011 bikos em i no inap long brukim dispela baset long las wik Tunde.

I nogat samting i asua long surukim taim bilong brukim baset bilong kantri tasol bikpela samting em dispela baset i mas kamap na kantri i mas lukim mani i go aut long karimaut ol wok bilong ranim kantri. Bikpela samting dispela kantri bai lukim em fri edukesen na dispela fri edukesen long neks yia i no inap wok sapos i nogat baset o mani bilong en.

Wanpela bikpela askim tasol em sapos nesanel baset i kamaut long Desemba 6, neks wik Tunde na sapos Gavman i senis long Desemba 9, bai dispela baset bai stap o ol bai rausim na brukim gen?.

Yumi save pinis long bikpela Kot we i stap namel long dispela Gavman bilong O'Neil na Namah Gav-



man na olupela Somare Gavman. Dispela Suprim Kot bai tokaut sapos Somare Gavman i kam bek long pawa o O'Neil na Namah Gavman bai go het yet wantaim Gavman bilong em. Em samting bilong Kot long tokaut na yumi ken harim long bihain.

Tasol nesanel baset bilong 2012 em bun tru na strong tru bilong Papua Niugini long ron long en long neks yia. Olgeta sevis na wok bilong kantri bai ron wantaim baset.

Sampela i tok sapos Gavman i senis bai ol i kamapim wanpela kain baset ol kolim Saplai baset. Em yumi ol liklik manmeri no klia gut long en. Bikpela samting em mipela laikim namba bilong mani i kamaut na mekim wok bilong mipela.

Ating dispela baset i lukluk long fri edukesen na ol

arapela bikpela sevis olsem helt, ol rot na bris, lo na oda hevi na arapela bisnis wok bilong kantri.

Olsem Prais Minista Peter O'Neil yet bin tokaut planti taim long nius olsem ol laik lukim mani i go aut long mekim wok olsem stretim rot na bris, edukesen, helt na planti arapela moa. Sapos mani i go aut na karimaut ol dispela wok, ating rot bilong ol liklik wok bisnis tu i ken op na ol manmeri ken gat mani long poket bilong ol.

Tasol sapos Gavman i no putim mani go long kirapim ol dispela sevis na wok olsem yumi kolim, bai nogat wanpela gutpela samting i kamap na bisnis tu bai i no inap ron gut na ol pipel bai singaut yet long Gavman long givim ol mani yet.

Bikpela samting tru nau em baset bilong kantri. Dispela baset mas kamaut na go long mekim ol wok. Yumi no klia tru amas mani

tru em Gavman laik brukim long dispela baset tasol las wik niuspepa bin tokaut olsem dispela Gavman bilong O'Neil na Namah i lukluk long brukim K10 bilion baset bilong kantri.

Gavman i senis o Gavman i stap wankain i no bikpela samting tumas long dispela taim bikos taim i sot pinis long 2012 nesanel ileksen olsem na skelim gut baset na brukim go aut long mekim wok bilong kantri.

Yumi gat pinis tupela nupela provins em Jiwaka na Hela provins na tupela mas gat baset bilong tupela long mekim wok na kirapim provins bilong ol. Em nau, redim gut baset na noken pilai politik long mani bilong pipel long winim 2012 nesanel ileksen.

Ol pipel mas tingim olsem mani kam long baset em mani bilong yumi, i no bilong ol memba long givim projek na mauswara long yumi.

WANTOK KOMENTRI

Mani plen bai stretim sindaun

SAPOS yu no harim yet, i gat planti tokwin na pre long dispela tupela de: Desemba 6 (em taim palamen bai sindaun gen long lukluk long baset bilong 2012); na Desemba 9, taim kot bai givim disisen bilong en long kamap bilong O'Neill-Namah gavman.

Namel long nau na ileksen i kamap, dispela laspela sindaun bilong palamen, na disisen bilong kot long husat tru i mas kamap wasman bilong kantri i go inap ileksen neks yia, bai makim klia sindaun bilong kantri bai olsem wanem long nupela yia.

Em i ples klia luksave, olsem gavman bilong O'Neill na Namah i bin gat sotpela taim long mekim inap wok bilong strongim ron bilong ol i go painim Ileksen 2012.

Insait long tripela mun, gavman i stap nau long ol i kamap planti bikpela senis na polisi, we ol i tok bai lukautim sindaun na bihain taim bilong yumi PNG.

Tasol bikpela askim i stap long bel bilong planti ol manmeri bilong yumi, em: 'Ol dispela samting olsem skul fi-fri edukesen, sanapim bilong Hela na Jiwaka, na moa yet, bil bilong sanapim ol 22 sia bilong ol meri long palamen, bai gat bihain bilong en o nogat?'

I no hait save olsem gavman i nidim ol bikpela maining projek long go het gut long inapim ol tok promis bilong en long bihain taim bilong yumi.

Dispela wik, bikpela maining na petrolium kibung i go het long Mosbi.

Prais Minista O'Neill i tokaut gen long astingting long sanapim Soveren Welt Fan bilong bungim na lukautim gut ol winmani i kam long ol maining na petrolium risos projek long 10 o 15 yia i kam.

Olgeta ol dispela wok, gavman i tok ol i laik oraitim insait long dispela laspela sindaun bilong ol pastaim long ol i go insait long ileksen resis.

Gavman i surukim pinis taim bilong autim mani plen bilong 2012.

Wantaim ileksen neks yia, dispela mani plen, em i bikpela samting.

Em i samting O'Neill na Namah gavman bai lusim bihain long ol pipel bilong skelim.

Wanpela samting tasol ol pipel bilong yumi i laikim, em long sindaun i mas stret, kantri i mas redi, na ileksen 2012 i mas kamap gut, na lukim makim bilong sampela gutpela ol lida bilong karimaut na pinisim olgeta wok we bai lukim pasin korapsen i lus long tingting na bel bilong olgeta ol pablik sevan bilong yumi; ol bikpela gavman sevis we i bruk daun planti yia pinis, i mas sanap strong gen; na moa yet, bihain taim bilong ol pikinini na tum-buna bilong yumi i mas gat gutpela stia long ol lida bilong yumi tude.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager: Elizabeth Kongo

Editor: Neville Choi

Published at Portion 445, Kanage Street, Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing blong bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

Raun wantaim Wantok kru ...

Brek danis i pulim planti ol yangpela mangi

Nicky Bernard i raitim

BRUK danis o brek dens i pulim planti long ol pikinini na ol yangpela man-meri insait long kantri. Long bikpela siti Pot Mosbi, bai yu lukim ol yangpela mangi raun wantaim ol mov bilong ol.

Ol sumatin tu, taim ol pinis skul na laik go long haus, bai ol mekim liklik brek danis long sait bilong rot o wanpela pilai graun. Dispela danis i kam bikpela nau insait long kantri, na planti bilong ol bikpela kampani nau i wok long kisim ol dispela yangpela mangi long danis long pro-

motim ol bisnis bilong ol. Brek danis i bin kam bipo long Papua Niugini long 1980, dispela danis i raun long olgeta hap long kantri bilong yu, maski yu bikman o bikmeri tasol taim yu lukim ol yangpela mekim dispela danis, skin bilong yu bai kirap na han bilong bai stat long mekim

mov bilong em. Wanpela bikpela hotel long Pot Mosbi, Lamana Hotel, i bin kamapim dispela danis resis na planti ol yangpela grup bin go na traim long resis long winim sampela bikpela prais i kam long Lamana na Niugini lce long namel bilong dispela yia.

Dispela brek danis, olgeta bun bilong yu mas lus, na tu, yu mas kisim gutpela trening bipo long yu go mekim dispela danis, sampela em olsem wanpela pilai bilong ol, na ol save mekim wanem kain mov ol laik

mekim bai ol mekim tasol. Sapos yu no save long dispela danis, noken traim, nogut bai yu bagarapim sampela hap long bodi bilong yu na bahat long stretim long haus sik.



Wanpela long ol brek danis mangi i mekim promosen bilong koka kola long Mosbi.

93FM YUMIFM National Weekly Hit Parade. Produced & Host by: Kasty. Satisfies: Talaigu Sophie & Porman Crew. Week Ending: Saturday - 03rd December 2011. Table with columns: Week Before, Last Week, This Week, Charting Song, Artist.

EMTV Television Guide

FONDE, DESEMBA 1, 2011

5.00AM G JOYCE MEYER MINISTRIES
5.30AM G TODAY
DEPARTMENT OF EDUCATION CLASSROOM BROADCAST
9.00 - 9.40AM GRADE 7 MATHEMATICS

5.00PM G HOT SOURCE
5.30PM G MILLIONAIRE HOT SEAT
6:00PM G NATIONAL EMTV NEWS
7.00PM G SPORTS SCENE

FRAIDE, DESEMBA 2, 2011

5.00AM G JOYCE MEYER
5.30AM G TODAY
DEPARTMENT OF EDUCATION CLASSROOM BROADCAST
9.00 - 9.40AM GRADE 7 MATHEMATICS

1.50 - 2.30PM GRADE 6 SCIENCE
2.30 - 3.00PM DEPI PROGRAMME STATION OPEN
3.00PM HI-5
3.30PM PYRAMID

SARERE, DESEMBA 3, 2010

2.57PM STATION OPEN
3.00PM G NATIONAL SOCCER LEAGUE

5.00PM G LOVE PATROL
5.30PM G MIND YOUR BUSINESS
6:00PM G NATIONAL EMTV NEWS
6.30PM PG AUSTRALIA'S FUNNIEST HOME VIDEO SHOW

SANDE, DESEMBA 4, 2011

15AM G AUSTRALIA NETWORK
3.15AM AUSTRALIA NETWORK
6.30AM G IT IS WRITTEN
7.00AM G HILLSONG

TORO



BIABIA



KANAGE



TOKWIN

Popondetta nogat rispek...

Ol raskol robim nupela Asbisop bilong ol i soim olsem ol raskol i nogat rispek tru long bikman husat i mekim wok bilong Papa God.

moni ol pipel bilong Popondetta i bin givim. Dispela i soim ol pikinini bilong ol i nogat rispek tru long yu husat!!!

Am Roberi rispons Yunit...

Tenkyu tru long olupela PPC bilong NCD Fred Yakasa long

kirapim nupela Am Roberi Rispons Yunit we bai lukautim siti long dispela festiv sisen. Kain kain tingting bai kamap long ol hadko kriminols long painim moni long dispela krismas sisen so yumi olgeta mas putim was.

Tokwin Tasol...

Word search grid with letters arranged in a 15x15 pattern.

Painim ol dispela taktok bilong kalso:

Table listing words found in the word search: GARAMUT, BANARA, KANGAL, KAMBANG, TIT BILONG PIK, KUNDU, SINGSING, PENIM SKIN, MALO, GRAS KUMUL, DANIS, SAMSAM, GRAS SKET, LIP MARITA, SKIN KAPUL, SPIA, LIP TANGET, BILAS, STORI TUMBUNA, SEL KAMBANG.

15x15 grid for a crossword puzzle with numbers indicating starting positions.

15x15 grid for a Sudoku puzzle with numbers 1-9.

Ansa bilong las wik Sudoku

Ansa bilong las wik Pasol

15x15 grid for a crossword puzzle with letters and numbers.

EMTV Television Guide

Television schedule table with columns for time slots, program names, and channels. Includes sections for Sir Paulias Matane, KIDS KONA, TUNDE, DESEMBER 6, 2011, and TRINDE, DESEMBER 7, 2011.

Ol Program na Kilok i ken senis oltaim...



Hapsait daun haus

WANPELA man i wokabout lusim nupela hapsait daun klab haus, The Caracella Club, we i sanap olsem hap bilong ol nupela bilding developmen long Indirapuram, 30 kilomita saut is bilong Nu Delhi, India.



Ol protesta brukim Britis embasi long Iran
OL protesta long Iran i karim kala na pisin bilong Britis Embasi long Tehran long Tunde dispela wik.

Wol Nius long Poto...



Meri vot long namba tu de ileksen long Ijip
WANPELA meri long Ijip i karim pikinini bilong em na tromoi vot bilong em long wanpela poling stesen insait long palamen ileksen bilong ol long Cairo, Novemba 29, 2011.

Raun wantaim Kanage olgeta wik



NEM: Michael Angrai
KRISMAS: 18 (man)
ADRES: C/- Catholic Mission Josephstaal, P.O. Box 750, Madang, Madang Provins
SAVE LAIKIM: Raitim pas, pilai bal gems, tok pilai, senisim presen, ritim buk na mekim pren.

NEM: Mea Joel
KRISMAS: 19 (man)
ADRES: Sapuri Plantation Division Tow 2, P.O. Box 451, Kimbe, W.N.B Provins
SAVE LAIKIM: Pilai spots, harim musik, pilai gita, ridim buk, go Lotu, kuk na raitim pas wantaim ol poroman.

NEM: Abbie Jugunai
KRISMAS: 18 (man)
ADRES: Sapuri Plantation division Tow 2, P.O. Box 451, Kimbe W.N. B Provins
SAVE LAIKIM: Ridim buk, harim musik, pilai sports, wokim gaden, go Lotu, mekim fani, na raitim pas wantaim ol poroman.

NEM: Gladies Donkoh
KRISMAS: 28 (meri)
ADRES: P.O. Box AS 951, Agona Swedru, Ghana- W. A
SAVE LAIKIM: Rit, lainim, mekim poroman long narapela kantri.

NEM: Timothy Tipora
KRISMAS: 25 (man)
ADRES: P.O. Box 340 Mendi, S.H.P
SAVE LAIKIM: Ritim Niuspepa, go Lotu, Ritim Baibel, watsim TV, mekim fani, Harim wantok Radio Lite FM, pilai gita na wok wantaim.

NEM: Rumen Simon
KRISMAS: 18 (man)
ADRES: C/- Rist Brothers, P.O. Box 5274, Lae Morobe Provins
SAVE LAIKIM: Mekim prens wantaim ol Yuts long arapela Provins, ritim Baibel, pilai volibol, Harim Lotu musik na raitim pas.

NEM: Gemimah Johnson
KRISMAS: 30 (meri)
ADRES: OLD FOREST STREET, P.O. Box 971, Akim ODA, Phn 00233-242850880- Ghana, West Africa
SAVE LAIKIM: Senisim presen, harim musik, Danis, painim man long maritim bihain taim

NEM: Jimmy N.Nimms
KRISMAS: 20 (man)
ADRES: Kalipau Village, P.O. Box 96, Vanimo, Sandaun Provins
SAVE LAIKIM: Raitim pas, harim musik, senisim presen, painim wanpela poro long stap na raun wantaim

NEM: J Waspi
KRISMAS: 19 (man)
ADRES: C/- Kilips Village, P.O. Box 96, Vanimo Sandaun Provins
SAVE LAIKIM: Raitim pas, harim musik, senisim presen, painim long stap wantaim na mekim pren

NEM: Millan Maso
KRISMAS: 20(meri)
ADRES: P.O. Box 2340, Boroko, NCD
SAVE LAIKIM: Pilai Volibol, watsim TV (Rugby), harim musik, raitim pas, ritim buk, senisim presen na go Lotu.

Dokta Kanage (Moni pes pikinini)

Mi gat wanpela ankol tasol na nem bilong em Kanage. Ankol Kanage i bin pinisim Dokta Digree blong em long Univesiti blong PNG. Bihain long graduesen em ibin kam wok long Hagen Hausik we ol mama save karim pikinini. Wanpela taim, wanpela Mama i pilim pen nogut tru na i kam lo hausik long karim pikinini. Taim mama i kam ankol Kanage i kwiktam kam insait lo rum na hariapim ol narapela Dokta long stretim olgeta samting.

Ankol Kanage i tokim mama olsem, mama pus, na trangu mama i pilim pen wantaim na singaut na taitim long pus. Ankol Kanage i singaut na tok "Mama pus, Mama pus" tasol pikinini i kam aut, ol i traim igo inap long six pela awa igo pinis. Ankol Kanage i tuwat nogut tru na go bak long sit na sindaun is tap igo na wanpela tingting i kisim em na em kam bek we Mama i pilim pen na silip istap; em igo long fron bilong mama na sekim ol koin moni is tap lo poket na hariap tru pikinini i kam autsaid. Ankol Kanage i lukluk strong lo pikinini is tap na kirap na tok " Ha! Kain blo upela ol lates moni pes pikinini nabaut Ya! Harim koin pairap long poket na kam aut-



said haraiap tru ya," Hai!!

Randy Arnold
Mt Hagen

US soldia

KANAGE em i US Soldia em laik dai long haus sik bet bilong em na em i askim nes long karim US Flek i kam na em bai kis long em na bihain em bai dai gut. Nes i bekim, 'nogat wanpela flek insait long haus sik, tasol mi gat wanpela tatu bilong flek i stap long as bilong mi. Kanage harim na tok, 'honest, mi bai amamas tru long kis long em,' Em kis pinis na tokim nes, "Plis tanim na mi tok halo long Presiden Bush"

Sims Amie
Popondetta

'Luk' long bas

KANAGE i raun long Kimbe taun i go na mani pinis long pasin bilong salim wasa long long nabaut. Apinun nau, na Kanage kalap long las bas stret "WANBEL NAPE" na em i ron i go olsem long

Brenden Kilo
Kimbe

Ol skwat!
 Salim ol gutpela Kanage
 tok pilai i kam long:
 Kanage Tok Pilai
 P.O. Box 1982,
 Boroko, NCD
 Port Moresby.
 Email: editorial@wantok.com.pg

Mi laik save moa long statim bisnis

Dia Laipain

MI greduet long wanpela teknikel skul wantaim mekanikel enjiniaring diploma bilong mi, tasol mi i no inap painim wok. Nau mi kirapim laik long statim bisnis bilong mi yet tasol mi no save wanem samting mi mas mekim long kamapim bisnis.

Mi wari bikos sapos mi no wokim wanpela samting, save mi kisim bai lus nating.

Mekenikel Enjinerig greduet.

Dia Pren

MIPELA i laikim tru laik yu yet i soim long kamapim bisnis bilong yu yet.

Mipela wanbel wantaim yu bikos sapos yu wok long ol narapela, yu bai i no inap kisim helpim yu kisim i go wantaim save bilong yu.

Em bai gutpela sapos yu kamap lida long kampani bilong yu yet na long mekim disisen we i go wantaim plen bilong yu long kamapim bisnis bilong yu yet.

Mipela tingim hamas greduet i stap insait long kantri wantaim wan kain tingting.

Em sore olsem planti bilong ol yangpela pipel tude i bilip long greduet long ol univesiti na kolis, ol bai painim wok insait long pablik o praiwet sekta. Wanem samting bai kamap sapos ol i no painim wok?

Taim ol i no painim wok na taim ol i stap long dispela situesen o kain



sindaun, ol bai belhat.

Husat bai ol i ponim pinga long en taim dispela i kamap? Taim gem bilong ponim pinga i no kisim gutpela bekim, ol bai tanim long mekim ol nogut pasin we i nogut long komyuniti na em mekim pani long edukesen ol kisim.

Mipela bai autim sampela tingting long yu skelim na sapos yu laikim yu ken traim.

Namba wan samting yu ken traim em, kamapim strong bilong yu na painim taim long plen wanem wei yu laik kamapim bisnis bilong yu.

Yu ken traim askim ol famili bilong yu wanem tingting ol i gat long helpim yu statim bisnis. Em bai mobeta long askim ol famili memba husat i gat trupela laik long helpim yu.

Yu mas gat kapitel o liklik mani pastaim long statim bisnis bilong yu. Sapos yu nogat mani, mipela strongim yu long noken wari. Toktok wantaim ol long famili memba long helpim wantaim sampela mani long kirapim na ronim bisnis.

Em bai gutpela sapos yu ken bungim sampela fan na tu, wokim

Buvussi. Bas i lusim Mai rotbruk i go antap nau, boskru i kolektim bas fe long ol pasindia. Boskru kisim bas fe long ol pasindia i go na kamap long Kanage nau, Em sikirapim het bilong em tasol na tok isi long boskru "Mi Luk". Boskru i no harim gut na em i askim Kanage, yu toktok strong na mi harim, Kanage i no westim em i kirap tokim boskru stret, planti taim mi save baim bas bilong yu. Sori nau yu Wanbe Nape long mi na mi "Lukim Bus" boskru em paul olgeta. Em i laik lap o em i laik hatim Kanage. Em kirap tokim Kanage ol man i save luk long pilai kas tasol. Nau yu stat long lainim ol man long luk, long bas bai no long taim ol man i stat long luk long ol sip na balus wantaim. Ol pasindia i harim olsem na olgeta i lap.

Brenden Kilo
Kimbe

Ol skwat!
 Salim ol gutpela Kanage
 tok pilai i kam long:
 Kanage Tok Pilai
 P.O. Box 1982,
 Boroko, NCD
 Port Moresby.
 Email: editorial@wantok.com.pg

ol kain fanresing olsem kukim kaikai na holim wanpela bung we ol pren na bipo skul lain bilong yu i ken kam bung na baim kaikai long yu.

Mipela i ting taim yu gat inap liklik mani yu ken traim ringim menesmen bilong Rurel Dvelopmen Beng long askim long wanpela beng dinau.

Laspela tok Laipain laik tok em: "Long sanap antap long maunten yu mas painim wei bilong yu antap long maunten. Na long holim renbo yu mas pilim ren long wanem hap yu stap."

Yu bai pilim olgeta dispela blesing sapos yu bihainim tok bilong God (Deuteronomy 28, Ves 2).

Laipain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain



Ol sales lain bilong Seeto Kui i soim nupela tang jus.



Go go cola em wara bilong Rabaul na ol mekim long Rabaul, olsem Lawrence Laiwa, Sammy Rohoro na Francisca Paliau i soim.



Yu laik stail-im gras? Go lukim Annie na Odila bilong Trend Beauty International.



Em i isi long salim mani, ol wokmeri bilong Post PNG i tok ples klia.



Norman Roy (lephan) na bos man bilong em Charles Nathaniel (rait han) i soim nupela rais ol salim nau long stoa, tupela bilong National Rice Distributors.



Ol Nambawan trophy i lukautim dispela liklik tred so, ol tu soim ol samting bilong ol.



Gala gala yam, tru tru kala ol karim, ol soim olgeta kala bilong ol samting bilong ol.

CPL strongim tingting long groim kumu long wara

Nicky Bernard i raitim

CPL Grup o City Pharmacy LTD i wok strongim pasin bilong groim kumu long wara. Dispela em ol i kolim haidroponiks.

Dispela ol kumu i no bilong kukim, yu rausim tasol long gaden na yu ken kaikai wantaim skon ol bret bilong yu.

CPL i kamapim dispela long helpim ol kastoma bilong em

long ol Supa Maket stoa bilong ol, planti bilong ol kastoma bilong save go painim ol dispela kumu long mekim liklik kaikai bilong hariap.

Ol dispela kumu City Pharmacy save groim long wara tasol, na ol i no save putim go daun long graun, ol save hangamapim tasol long mambu trei na wara save stap aninit wantaim liklik marasin ol save miksim.

Dispela ol kumu save groa tupela wik tasol, na ol save rausim na planim nupela gen, sapos yu planim long graun em bai kisim klostu tupela mun long redi long kisim na salim.

Dispela liklik gaden bilong CPL i stap long het kota bilong ol long Gerehu na olgeta dispela kumu nau e mol yet save kamapim na salim.



EM YA: Raj B Shahi, husat em i CSR Menesa bilong CPL Group, i soim sampela ol kumu i gro pinis long wara tasol. Foto: Andrew Molen

Alekano kisim K200,000 helpim

Sape Metta i raitim

WOK bilong wanpela seving na lon sosaiti long Goroka – Isten Hailans bai ken ron i go het strong nau, bihain long em i kisim luksave i kam long wanpela lokel memba husat i save gat bikpela amamas tru long givim helpim long en.

Bihain long kirap na operet inap sikspela yia, Alekano Seving na Lon Sosaiti bai ken karimaut wok

bilong em i go het long strong moa bihain long lokel MP na memba bilong Lufa, Yawa Silupa, i bin kamap na givim K200,000 i go long Sosaiti long strongim seving na Lons o wok bilong en.

Silupa long wankain pasin i bin givim K100, 000 long mun Me long dispela yia na i bin mekim tok promis olsem em bai go het long sapotim Alekano.

Sikspela mun bihain em i bringim narapela K200, 000 we

olgeta mani mak em i givim long sapotim dispela sosaiti em i go antap long K300, 000.

Long wanpela liklik presentesen seremoni we i bin kamap long opis bilong Alekano Seving na Lon Sosaiti long Goroka yet, Silupa i tok em i gat bikpela amamas long helpim Alekano long wanem planti ol pipel long ilektoret bilong em husat em ol memba long dispela sosaiti bai i ken benefit long dispela helpim

em i givim long en.

Na faunda o namba wan papa na Sif Fainensal menesa bilong Alekano, Binn Huletove, husat i bin kam tu long dispela seremoni i tok amamas long Silupa long luksave na givim yet helpim long sosaiti.

‘Mipela i amamas olsem wanpela memba tasol long etpela (8-pela) distrik long provins i gat luksave long dispela wok mipela i mekim long helpim ol pipel bilong Isten Hailans. Alekano i stap long

Goroka distrik, na lokel MP bilong dispela distrik i sapos long kamap wantaim dispela kain helpim, tasol bilong wanem as stret na em i no mekim olsem?’ Huletove i tok.

Em i tok dispela em i bikpela tru na we Alekano bai ken yusim long mekim bikpela wok tru long helpim planti ol manmeri long ples husat em ol save wok fama, groim kopi na ol arapela self rilaiens na liklik bisnis.

Okapa opim nupela risos senta

Sape Metta i raitim

BIKPELA win, ren na ais tu bin pundaun long Tunde wik i go pinis, tasol dispela i no stopim planti ol manmeri i kam long ol ples olsem Keiyagana, Kanite, Auyana, Kimi, Tarabo, Ke’efu na Henagaru long kamap na selebretim na kukim stret long Okapa Distrik – Isten Hailans long opisel opening bilong Okapa Risos na Proyek Senta.

Memba bilong Okapa, Bonny Oveyara, husat i bin go pas long kirapim dispela senta bihain long em i bin winim ileksen long 2007, i tokim ol manmeri long Okapa olsem

em i amamas long lukim sampela ol wok i kamap na karim kaikai long taim bilong em long i stap long opis.

“Dispela em i wanpela bikpela projek bilong distrik na mi amamas long wok patnasip wantaim yupela na nesanel gavman tu long kirapim dispela risos senta we long longpela ran, we bai i ken helpim planti ol manmeri na ol yangpela tu bilong Okapa Distrik. Dispela em ples we bai yumi i ken kam na kisim skul na save na i go bek long ples, hauslain na viles bilong yupela bai ken mekim ol gutpela wok na kamapim gutpela sindaun,” Oveyara i tok.

Em i tok amamas tu long ol lokel pipel bilong Okapa long kisim bel isi pasim gutpela tok amamas na wokbung long helpim na kirapim na kamapim dispela risos senta.

Oveyara i tok amamas tu long O’Neill na Namah gavman long luksave na givim sapot long dispela risos Senta projek wantaim K500, 000. Na minista helpim bilong Praim Minista Waka Goi, husat i bin kamap olsem ges ov ona, i bin givim K5,000; na bisnismen bilong Goroka, Simon Sia, i bin givim K2,000 long helpim ol wok bilong dispela nupela risos Senta.



EM PUKPUK o KAVING: Dispela Kerema i karim puk bai yu ting em wanpela kaving, tasol go klostu bai save olsem pukpuk tru ol salim wantaim ol kaving i stap klostu. Foto: Nicky Bernard

Gavman na InterOil sainim 'LNG Off-Take Agrimen'

Aja Alex Potabe i raitim

PNG Gavman na InterOil Corp i sainim pinis 'LNG Off-Take Agrimen' long tarim i go het dispela 15 bilian US dola LNG Projek long Galf Provins.

Tasol gavman na kampani wantaim i senisim olpela plen long putim refaineri long Napanapa long Mosbi.

InterOil na PNG Gavman i nau yet senisim ol agrimen pepa long putim refaineri bilong dispela projek klostu long Elk-Entelope ges fil long Galf Provins.

Praim Minista Peter O'Neill na tupela papa bilong InterOil Corp, Phil Mulacek na Christian Vinson, i sainim pinis dispela agrimen long Fraide wik i go pinis long Palamen Haus.

"Mipela i amamas long givim tok orait bikos InterOil, wantaim Liquid Niugini na Pacific LNG i rere long kamapim dispela wol-klas LNG Projek long PNG," O'Neill i tok.

Em i tok anitim long loa bilong wel na ges, PNG Gavman em i gat 22.5 pesen ekwiti, na gavman i patna tu long dispela bikpela projek, na ol bai sapatim na halivim InterOil long kamapim gut dispela LNG Projek.

"Gavman i nau amamas

long lukim InterOil i hatwok stret long statim na pinisim dispela projek long taim stret. Gavman i sapatim tu dispela disisen long putim refaineri long Galf bikos manmeri long hap i na save kisim gavman sevis. Olsem na dispela projek bai kisim nambawan sevis olsem helt, edukesen, rot na bris i go long pipel bilong Galf," O'Neill i tok.

Minista bilong Petroleum na Eneji, William Duma, i no bin wanbel long InterOil bai ronim dispela bikpela projek bikos ol i nogat ekprens long ronim wol-klas LNG projek.

Elk-Entelope LNG bai fes taim bilong ol long ronim. Na tu Duma i bin tok InterOil i nogat inap mani long kamapim dispela projek bikos bisnis bilong ol i bin stat long 2004 long PNG tasol.

Pastaim Petroleum Minista Francis Potape tu i bin tok InterOil i nogat save long LNG operesen tasol em i laik testim long PNG na yusim liklik mani tasol long mekim moa winmani.

Tasol InterOil i nau tok em i askim pinis bikpela fainensal kampani olsem Morgan Stanley & Co LLC, Macquarie Capital (USA), na UBS AG long kisim mani na kamap olsem fainensal edvaisa bi-

long en.

Sif Eksekutiv Opisa bilong InterOil, Phil Mulacek, i tok, ol dispela kampani bai halivim InterOil long painim inap mani na sampela bikpela kampani long kamapim dispela Gulf LNG Projek gut na bihaim laik bilong PNG Gavman, Galf Provinsel Gavman, na ol papagraun long Elk-Entelope.

InterOil i baim tu sampela sea bilong Flex LNG gen. Flex LNG bai kamap patna bilong InterOil long Gulf LNG tasol InterOil i no tok aut long wanem as stret em i baim gen ol sea bilong Flex.

Long wankain taim, PNG LNG Projek bilong Exxon Mobil bai lukim wel na ges long Sauten Hailan na Hela Provis i kam long 750 kilomita paipain i kam inap olgeta long refaineri ol bai putim long Papa, Lealea na Boera long Mosbi.

Long refaineri, ol bai tanim ges i go bek long wara, long mekim isi tru long bikpela sip ol i kolim LNG Tenka long karim i go long ol make bilong Esia.

Ol bai salim 6.6 bilian tan bilong LNG olgeta yia, na bai kik statim prodaksen long 2014. Ol i sainim agrimen long salim LNG long China, Japan na Taiwan.



INTEROIL NAPANAPA RIFAINRI: PNG Gavman na InterOil Corp bai senisim pepa wok long pastaim agrimen long putim refaineri long Napanapa. Nupela refaineri bai stap klostu long Elk-Entelope ges fil long Galf Provins yet. **Poto: InterOil Corp**

Liklik Bisnisman



Ples Arts kam raun long siti

Nicky Bernard i raitim

KAVING em wanpela samting ol turis save laikim tru, taim ol kam long kantri bilong yumi, ol bai painim ol samting bilong tumbuna bilong yumi long bipo.

Roy Michael, em wanpela yangpela mangi bilong wara Sipik. Em na papa bilong em save salim ol kaving long mekim mani bilong ol.

Papa bilong Roy save salim ol kaving long fran bilong rot long wanpela bikpela stoa long long Mosbi we ol wait manmeri save go baim kaikai bilong ol long en. Ol kaving bilong Roy na papa bilong em save pulim ai bilong ol planti wait manmeri stret.

Roy lusim skul long helpim papa bilong em long mekim dispela liklik kaving bisnis bilong ol, em save salim kaving long fran bilong dispela bikpela stoa na papa bilong em save go raun long opis long salim ol.

Roy tok, ol kaving bilong ol planti ol i no save baim, wanwan taim tasol ol wait manmeri save kam na baim.

Em tok ol dispela kaving bilong ol i kam stret long ples bilong ol long Tambunim long Sipik wara stret, em na papa bilong em save salim mani go long ples na ol save baim long wanwan hap liklik ples gen long wara Sipik na bihain ol save salim kam long ol.

Roy husat i gat 16-pela krismas tasol, i save gut tru long ronim liklik bisnis

bilong em na papa bilong em.

Em i tok papa bilong em em save mekim gut mani taim em raun go long ol bikpela opis, tasol em yet nogat long wanem ol manmeri save ron tasol long kar na lukim ol kaving bilong em.

Roy tu tok long planti bikpela opis i gat kaving, em bilong em na papa bilong em, planti opis laikim kaving long putim long opis bilong ol long soim tru pasin tumbuna bilong yumi.

Roy wantaim papa bilong em i wok long bungim mani long painim wanpela gutpela liklik hap long mekim olsem kaving stoa bilong ol. Nem bilong liklik bisnis bilong tupela em Ples Arts.

GLASIM RAMU NiCO PROJEK

Wanpela Ramu NiCo, Wanpela Komuniti

Erima na Lalok famas amamas long Ramu NiCo agrikalsa sapot

MALPUN Waga, i gat 39-krismas bilong Lalok namba 4 viles insait long Astrolabe Be LLG insait long Raikos distrik long Madang provins i gat bikpela amamas tru long Ramu NiCo Menesmen (MCC) Limited long gutpela sapot kampani i givim ol famas long sait long agrikalsa.

Malpun em wanpela kakao fama husat i gat tu hekta blok long ples, na em i tok em i amamas tru long Ramu NiCo long go long Lalok namba 4 viles long wokim wanpela bikpela viles kakao neseri long saplaim ol kakao sidlings i go long ol famas long go het long wok agrikalsa.

"Mi amamas tru bikos dispela neseri we Ramu NiCo i kamapim i bringim nupela kakao sids na sidlings i kam na mi amamas long kisim na go planim long gaden bilong mi," Malpun i tok.

Long Trinde tupela ofisa bilong Ramu NiCo Komyuniti Afes dipatmen i bin mekim lukluk raun i go long eria we ol i save bringim ol trening i go long ol famas. Tupela agrikalsa ofisa we i bin go mekim lukluk raun em Allan Wahwah na Aldam Bande.

Mista Wahwah na Mista Bande i tokaut olsem Ramu NiCo i bin helpim long kirapim wanpela model rais fam na tu i bin helpim long givim trening na tu saplaim sids long 100 famas insait long Erima, Lalok na ol viles long Astrolabe Be eria. Dispela ol viles i stap insait long Kostal Paipain we 135-kilomita slari paipain bilong Ramu NiCo i ron long en.

Long wokabaut raun bilong tupelo Ramu NiCo ofisa ol i bungim model rais fama, Denmark Levovo, husat i bringim ol i go raun lukim ol model blok long ol eria long Erima i go olsem long Lalok viles. Dispela fama Denmark i stap long Erima ti wokim i rais gaden bilong en na i givim sids i go long arapela famas husat i save planim long eria bilong ol.

Denmark i bringim tupela Ramu NiCo ofisa wantaim pablik rilesens ofisa long Ramu NiCo, James Kila i go long wanpela nupela rais gaden, we pikinini man bilong Denmark, Taruba wantaim meri bilong em Stella na pikinini meri bilong tupela Bemgar i hatwok tru long klinim rais gaden bilong ol.

Denmark i stori long em i stat long planim rais na givim ol sids long ol famas long kirapim tingting bilong ol long kamapim kaikai long lukautim femili bilong ol na i no long lusim mani long baim rais long stua. Em i tok planti famas i planim rais

long gaden na kisim ol sids bilong en, tasol sampela i wokim i go tasol hevi i stap long sait long trenspot na tu nogat rais mil long rausim skin bilong rais klostu long ol. Olsem na intares i pundaun liklik. Tasol em i tok olsem bihain long ol wokman bilong Ramu NiCo i go na givim trening na tu edvais na sapos, intares namel long ol famas i kirap gen na sampela ol famas i wok long kilinim ol eria bilong ol long gaden long planim rais.

Bihain long tupela ofisa i lukluk raun long rais gaden ol i kalap long kar na go daun long Lalok namba 4 viles.

Long dispela viles i gat wanpela bikpela kakao neseri i stap long en na long dispela hap tasol ol i bungim fama ya Malpun Waga.

Long Lalok namba 4 viles, tupela Ramu NiCo ofisa i bin gat sans tu long go lukim ol rais gaden we ol ples lain i planim wantaim ol arapela gaden kaikai na miksim wantaim. Rais na ol narapela gaden kaikai olsem bin, kon na ol narapela kumu i givim gutpela gris long graun na ol kaikai i kamap gut tru.

Malpun i givim bikpela tok amamas bilong em makim ol famas bilong ples Lalok long gutpela helpim Ramu NiCo i givim long ol.

Em i tok olsem kakao em bun bilong ol lain long ples long sait bilong agrikalsa. Kakao i save helpim ol long kisim mani long sapotim sindaun bilong ol long ples na tu long kisim mani long peim skul fi bilong ol pikinini na tu baim ol klos na tu helpim long baim marasin taim wanpela memba bilong femili i sik.



Stella Taruba, Bemgar na papa bilong ol Taruba Denmark long rais gaden long Erima-bus.



Ramu NiCo agrikalsa ofisa Aldam Bande sekim kakao neseri long Lalok namba 4 viles.



Liklik boi i helpim papa bilong em Taruba long planim rais.



Ramu NiCo CA dipatmen agrikalsa ofisa Allan Wahwah i amamas long kakao long ples Lalok.

RAMU NiCO

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisani o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

Wanpela Ramu NiCo, Wanpela Komyuniti



**Japan International Cooperation Agency
Papua New Guinea Office**

1St Floor, Pacific Place, Musgrave St, Port Moresby, NCD
P.O. Box 1660, Port Moresby, NCD, Papua New Guinea
Telephone: (675) 321 2677 Facsimile: (675) 321 2679

JICA Bridge project will greatly benefit Bougainvilleans

....Project on target

By **Veronica Hatutasi**

OVER 200,000 people in the Autonomous Region of Bougainville (ARB) will reap huge development and economic benefits from a K86.5 million Japan grant aid bridge project on the island, once it reaches completion early next year, 2012.

The Japan International Cooperation Agency (JICA) Project for the Construction of Bridges on the Bougainville Coastal Trunk Road (PCBBCTR) is on schedule for the completion target by next year March, during which 15 bridges currently under construction over large fast flowing rivers between Buka, Wakunai and Arawa, should all be completed.

And vehicles transporting people from the southern tip of the island past the central region and on

to the northern part of the island to do businesses and transport cash crops and other produce destined for sale at the relevant Buka market outlets, would be guaranteed smooth travelling effectively cutting travel time by 1 hour.

With four months to go before the March 2012 target, work on this major project is progressing very well and already 7 bridges have been completed, while the rest are either almost, half way or partly done.

Recently, we had a chance to visit sites of the PCBBCTR as well as health and education projects funded by JICA and the Embassy of Japan.

The PCBBCTR trunk road project is implemented by JICA and three counterpart agencies of Papua New Guinea including the Departments of Planning & Monitoring,

Works and the Autonomous Bougainville Government (ABG).

As a result of destruction to vital infrastructure during the Bougainville Crisis and the subsequent non-maintenance of the coastal trunk road for just over 20 years, the roads and bridges have deteriorated, but the Japanese government has come in timely to assist as part of its kind contribution towards the reconstruction and peace process in the ARB and also, as a token of friendship and cooperation between the people of Japan and PNG.

Under the guidance, advise, supervision and leadership of the Consortium of Chodai Ltd and Eight-Japan Engineering Consultants Inc, a Japanese contractor, the Kitano Construction Corporation is working on this world class bridge construction work which has a durabil-

ity and a lifetime of 100 plus years, depending on the whims of mother nature and in a place such as Bougainville where it rains all the year round.

Apart from the engineers and contractors from Japan, Thailand and the Philippines, the project recruits locals from the project sites to assist in the building and construction work.

Maintenance and sustainability of the bridges is of utmost importance, and according to Yoshikazu Taniguchi, the Assistant Residential Representative of JICA in Port Moresby, it will be the responsibility of JICA at first however, it will gradually hand over (the responsibility) to the ABG.

Mr Taniguchi also said that it will train officers from the ABG on the maintenance and sustainability aspect of the Bougainville bridge project.

We visited selected bridge project sites between Tinputz, Wakunai and Arawa including Rawa Bridge No 15 still to be completed, Iraka River Bridge, the longest, covering 75 meters and a few others, in order for the reporters to observe, ask questions to the engineers and contractors and take photos on the work done.

We also visited Wakunai and Hahela Primary schools, which are two of the Embassy of Japan supported Grassroots Grant Aid Project and JICA funded EQUITV Project in the ARB and expressed satisfaction that while the Science and Maths TV televised education programs are greatly assisting students and teachers in their learning process, the parents and communities within the schools peripheries have taken ownership of the sustainability

and maintenance of the project.

Visited also were Buka Hospital which uses some of its vital life saving medical and X-Ray equipment donated over the years by the Embassy of Japan and where one JICA Physio-therapist volunteer is working for. The JICA Embassy of Japan donated machines and generators for the Kubu Power stations which provides electricity to the Buka township, Kokopau, Hutzena, Sohano and neighbouring health, education, church and business facilities.

The officers had discussions with the relevant authorities of the power house, health and education institutions on the progress, needs and problem areas which the two officers noted for consideration pending reports to their relevant heads of missions.



1: THE ULTIMATE SIGN: Standing tall and proud in the project areas is this sign post carrying the message of this K86 plus million Kina development in partnership between the governments of Japan and PNG.

2: COMPLETED: Tuve Bridge No 3 is one of the 7 already completed.

3: STILL UNDER CONSTRUCTION: Rawa River Bridge No 15 in the Tinputz District is the 1st on the Buka Arawa section of the road.

4: ENGINEERS & CONTRACTORS: Some of the engineers & contractors at a work station.

5: IN DISCUSSION: Hahela Primary School headmaster, Talania Joseph Nathaniel and EQUITV Project Manager, Daniel Kukup in discussion on the progress and future of the project with JICA's Yoshikazu Taniguchi and

Embassy of Japan's Heigo Nakafusa.

6: WITH BUKA HOSPITAL MANAGEMENT: Messrs Nakafusa & Taniguchi meet with Buka Hospital CEO, Dr Cyril Imako, Medical Superintendent, Dr Bamabas Matanu and the Matron.

7: BRIDGE OVER THE RIVER KAPIS: Another of the longest bridges at Wakunai, Bridge No 13, still under construction.

8: WAKUNAI EQUITV: Grade 8 students welcome the Embassy of Japan and the JICA team dropping in briefly at the Wakunai Primary School to check on the progress of the EQUITV project.

9: EQUITV: Grade 8 students at Hahela Primary School un Buka benefit from JICA sponsored EQUITV Science & Math Programs

All Photos: Veronica Hatutasi



Bolt makim 4-pela gol long Olimpiks

LONG 2008 Olimpik Gems long Beijing, Saina (China), Usain Bolt i bin winim tripela gol medol, nau em i laik winim 4-pela long London Olimpiks long 2012.

Em i bin winim gol long 100m, 200m na 4x100m rile long Beijing na nau em i tok em bai ron insait long 4x400m rile resis tu sapos ol i askim em.

Kantri bilong Bolt, Jamaica, i bin kisim brons medol long 4x400m rile na em i bilip ol bai winim gol sapos em i stap insait long tim tu.

Bolt i no bin ron insait long fainol bilong 100m wol sempionsips long Ogas dispela yia bihain long ol i rausim em long wanpela asua em i mekim insait long gem.

Tasol em i bin kam bek long narapela resis long winim dispela taitol bilong em long 100m na nau i hangre long kirapim das gen long Olimpik gems long 2012. "Taim bilong Olimpiks i kam klostu nau na mi statim trening bilong mi wanpela mun i go pinis," Bolt i tok insait long ol nius ripot.



SPITMAN: Bolt bai resis 4x400m rile tu sapos ol i askim em.

Stap strong long skul-Wiki tok

Andrew Molen i raitim

BIPO ragbi lig pilaia bilong Canberra Raiders na Auckland Warriors long NRL, Ruben Wiki, i bin gat wanpela bikpela toktok bilong ol sumatin taim em i kam raun long Mosbi long Tunde dispela wik.

Dispela em long stap long skul na lainim olgeta samting long ol tisa.

"Yupela mas kam long skul olgeta de na noken stap long haus na raun nating na mekim trabol," Wiki tok.

CPL Group, i bin wokbung wantaim BIC long kisim Wiki kam long mekim sampela

promosen wok bilong ol tasol long wankain taim, ol i kisim em raun long bung wantaim ol tisa, sumatin na tu ol manmeri bilong komyuniti long sampela ol skul insait long siti.

Wiki toke m i amamas long bungim ol manmeri na i gutpela tu long tok pilai mekim ol i lap na amamas.

"Laspela taim mipela bin kam long PNG em taim mi pilai namba wan gem bilong mi wantaim ol Kiwis long 1994.

"Mipela i pilai tripela tes agensim ol Kumuls na mipela i win, tasol i gutpela long kam bek na lukim ples gen," em i tok.

Wiki tok ragbi lig i givim planti gutpela samting long em long helpim sindaun bilong em tasol long wankain taim em i laik bai ol arapela manmeri, olsem long PNG mas i gat gutpela sindaun tu.

"Wanpela rot long kamapim dispela em long go long skul na lainim ol samting tisa i skulim yupela long en," em i tokim ol sumatin bilong Badihagwa Sekenderi skul.

Em i amamas long harim olsem ragbi lig i strong long PNG na i bilip PNG mas wokbung wantaim ol arapela Pasifik ailan kantri long kisim ol pilaia bilong tim bilong ol sapos em i winim sans long putim tim insait long NRL



SANAP WANTAIM: Prinsipol bilong Badihagwa, Maru Bala (Ilephan), meri skul kepten, Dika Davai, Wiki, man skul kepten, Stanford Timothy na deputi prinsipol, Richard Lerori long skul taim Wiki raun i go long ol. FOTO: Andrew Molen.

Bikpela yia bilong British na Irish Lions

OL British na Irish Lions i gat bikpela wok long stretim ol yet bipo long ol i raun i go pilai gen long Australia long 2013.

Ol i bin lus tupela gem na

winim wanpela tasol long 2001 taim ol i bin mekim tua bilong ol long hap.

Nau em tingting bilong ol long traim na mekim gut moa long dispela mak.

Dispela tua bai lukim ol i pilai tripela tes wantaim Australia na tu sampela gem wantaim ol ragbi klap long hap.

Ol gem bilong ol bai kamap olsem:

Jun	5	-	vs	Western Force	long	Perth.
Jun	8	-	vs	Queensland Reds	long	Brisbane.
Jun	12	-	vs	NSW-QLD Country	long	Newcastle.
Jun	15	-	vs	NSW Waratahs	long	Sydney.
Jun	18	-	vs	ACT Brumbies	long	Canberra.
Jun	22	-	vs	Australia long Brisbane	(namba wan tes).	
Jun	25	-	vs	Melbourne Rebels	long	Melbourne.
Jun	29	-	vs	Australia long Melbourne	(namba tu tes).	
Julai	6	-	vs	Australia long Sydney	(namba tri tes).	

Dispela Lions tim i gat ol pilaia bilong Inglen, Ailan, Skotlen na Wels, sampela bilong ol i bin stap long tim we i lus 2-1 long 2001 na bai strong long bekim dispela dinau.

Planti ol sapota bilong ol Lions tu i wok long painim rot long go long Australia long lukim dispela tonamen na olgeta samting i stap redi long lukim wanpela strongpela pilai kamap gen namel long dispela tupela tim.



RON: Wanpela Lions pilaia i ron wantaim bal long wanpela gem bilong ol.

Hatwok i no pinis yet ...

I kam long bek pes

Long tete bai ol Pukpuks i gat bikpela salens taim ol i bungim ol Solomon Ailand Warriors husat ol tu i winim namba wan gem bilong ol

long Tunde dispela wik. Solomon Ailan i daunim Niue 22-19 long wanpela strongpela gem tu. Niue na Vanuatu bai pilai tete long lukim husat bai kam antap klostu long

PNG na Solomon Ailan bipo long laspela tes bilong dispela 4-pela kantri long Sarere gen we PNG bai bungim Niue na Solomon Ailan bai kisim Vanuatu.



RON: Holim spia antap long solda na ron i go antap.



HOLIM: Taim yu kamap klostu, tanim na pulim han wantaim spia i go bek.

Gem bilong tromoi spia



I NO long taim i go pinis, yumi lukluk long etletiks, tasol etletiks em i bikpela eria, em i no bilong ron resis long lek tasol.

I gat tupela hap bilong etletiks, wanpela em long ron resis na narapela em long pilai long fil.

Ol i save kolim trek na fil (Track and field).
I gat planti kain trek pilai olsem 100m resis,

200mm rilem hedols na ol arapela.

Long wankain, i gat planti ol fil pilai olsem hai jam, long jam, na ol arapela.

Wanpela long ol dispela fil gem em jevlin (javelin).

Histri bilong Gem.

Jevlin em i spot we i gat longpela histri bilong em.

Em i stat long bipo taim bilong ol manmeri long Gris (Greece) na Rom (Rome) we Olimpik gem i bin stat long en.

Pasin bilong tromoi jevlin spia em i laip bilong ol manmeri long dispela taim.

Ol i save yusim long painim abus na kaikai, na tu yusim long taim bilong pait.

Dispela i mekim na ol i save gut tru long yusim spia.

Na taim namba wan Olimpik gem i bin kamap long bipo taim, jevlin wantaim planti ol arapela tumbuna samting bilong ol i go insait long dispela ol gem, olsem asri, ron na swim.

Stail bilong gem

Jevlin, em i no hatpela gem long pilai, yu mas i gat strongpela han na save gut long stail bilong stromoi spia.

Long tromoi, yu bai holim spia bilong yu antap long solda bilong yu na ron i go daun long ples yu laik tromoi long en.

Taim yu kamap long mak, sanap strong,

makim spia bilong yu i go antap na traim long tromoi go longwe tru.

Husat I tromoi go longwe moa long ol arapela I save kisim moa poin long win.

Jevlin long PNG

Jevlin em i wanpela fil gem we i ken kamap strong long PNG sapos i gat gutpela wok i kamap long painim ol manmeri husat i nap long pilaim.

Ol manmeri bilong PNG i gutpela long tromoi spia bilong wane mol tumbuna bilong yumi tu i save yusim kain spia long bipo long painim kaikai na tu long pait.

Dispela save i stap insait long yumi na i gat sampela ol manmeri long ol rurel ples husat



REDI: Taim yu kamap klostu long tromoi, holim gut spia na pulim i go bek stret na redi long tromoi go antap.



TROMOI: Taim yu kamap long mak, sanap strong long lek bilong yu na tromoi spia i go antap na longwe stret.



1



5



2



3



6



4

1 SALENS: Uni FC pilaia (lephan) i putim lek long rausim bal long birua bilong em bilong Central Coast long raun 7 NSL gem bilong ol long Mosbi las wik Sarere. Uni win 3-2. POTO: Andrew Molen.

2 LUKSAVE: Edward Laboran em wanpela long tupela bipo PNG etlit we PNGSFOC i givim luksave long ol olsem ol nambawan spotsman long go insait long "Hall of Fame" o haus bilong ol biknem pilaia bilong PNG. POTO: Andrew Molen.

3 WOKABAUT: OIAFL pilaia bilong Hawthorn Hawks long Australia i wokabaut long Kokoda trek las wik we ol i bung na kamapim sampela pilai wantaim ol ples long rot. POTO: KTA.

4 BIKNEM: Bipo Nu Silan Kiwi pilaia, Ruben Wiki bung wantaim ol sumatin bilong Badihagwa Sekenderi Skul long Mosbi long Mande dispela wik taim em i raun na toktok wantaim ol sumatin long pasin bilong stap gut long skul na harim toktok. POTO: Andrew Molen.

5 PUTIM HAN: Gol Atek (GA) bilong BAT, Golona Roga, i resis wantaim Gol Difenda (GD) bilong Tango long Praivet kampani netbol salens long Sande las wik. POTO: Andrew Molen.

6 HANGAMAP: Goli bilong Tukoko University FC bilong Lae, i kalap long pasim bal i noken go insait long gol long NSL gem bilong ol agensim Gigira Laitapo Central Coast long Mosbi las wik Sarere. Uni FC i win, 3-2. POTO: Andrew Molen.

Simbu bai soim strong

Andrew Molen i raitim

SIMBU provins bai soim strong bilong en taim olgeta sinia kikkoksa bilong en i bung long wanpela tonamen long Disemba 24 na 25, dispela yia long Kundiawa taun.

Ol i makim dispela tonamen olsem "Return of the Original", na em bai lukluk long olgeta sinia na junia paitman bilong provins husat i pait long ol lokol na intanesenel tonamen pinis.

Sampela ol nupela kikkoksa tu bai go insait long ring namba wan taim na ol manmeri bilong provins i redi tasol long lukim dispela bikipela sho.

Wanpela biknem paitman bilong provins em Lee "The Flash" Garap, husat i wanpela profesenol Mauy

Thai paitman nau.

Garap bai no inap pait long dispela tonamen tasol em bai kamap long soim sampela stail bilong em na mekim demonstresen long ol save na strong bilong em long pait.

"Longpela taim mi no go bek long ples long pilai o mekim wanpela kain sho olsem dispela, olsem na nau mi redi tasol na lukluk long go.

"Mi save em bai wanpela bikipela tonamen na mi tu i laik soim ol pipol bilong mi long sampela stail bilong mi we ol i save harim o lukim tasol long TV na niuspepa," Garap i tok.

Em i tok amamas long Sajen Lui, Francis Gul na PNG hevi wet sempion, John Kwiwa, husat ol i save go pas long kamapim na ronim dispela tonamen.

Ol manmeri ken tingting long lukim ol sina paitman olsem Andy Aina, Richard Thomas, Mark Sondo, Bonny Lui, Andy Sam, Alfred Samuel, Martin Mike na planti ol arapela olsem ol.

Garap i tok ol i kisim tok orait pinis long Dairekta bilong PNG Kikboxing Association, Stanley Nandex, long kamapim dispela tonamen na Nandex yet bai kamap tu long opim gem.

Simbu em wanpela provins we kikkoksing i stap strong yet na ol i kamapim tu planti gutpela paitmanmeri bilong PNG pinis.

Ol i tok dispela tonamen i op tu long ol paitmanmeri bilong ol arapela masol ats stail olsem karate, taekwando, Kung Fu na ol arapela husat i laik stap insait long resis.



GO BEK LONG PLES: Garap i amamas tasol long kamap long ai bilong ol asples manmeri bilong em. **WANTOK FOTO.**

Besta pundaun long Luksave bilong Kaputin na Laboran

Stars long Lae

Andrew Molen i raitim

SE JOHN Kaputin na Edward Laboran em tupela namba wan Papua Niugini spotsman long go insait long Haus bilong ol biknem PNG spotsmanmeri (Hall of Fame).

Dispela "Hall of Fame" em nupela samting PNG Sports Federation and Olympic Committee (PNGSFOC), i kamapim long luksave long ol bipo pilaia bilong PNG husat i mekim gut long ol gem bilong ol long makim kantri.

Tupela i kisim dispela luksave las wik Fonde long Mosbi taim PNGSFOC, i amamasim 50 yia bilong ol long mekim wok bilong spots long kantri.

Se John, 70 krismas em bilong Matupit long Is Nu Briten provins, na i bin makim kantri long Etletiks na ragbi lig.

Em i bin mekim gut olsem wanpela top spots man taim em i stap sumatin long Rockhampton Boys Grammar School long Australia, we i lukim em i winim Archer kap long 1958 na '59.

Em i pilai kriket na swimming tu.

Se John i bin kamap namba wan PNG man tu long pilai ragbi insait long kantri we ol waitman tasol i bin pilai, taim ol i kisim em i pilai wantaim Kone Tigers klap long Mosbi long 1960.

Em i helpim ol i winim gren fainol long 1961 na i tok ol waitman i save bagarapim em tru long kala bilong skin bilong em na tu long wanem em i asples, tasol em i no save wari long dispela na i tingting tasol long pilai bilong em.

Long wankain taim, Laboran, 69 krismas, bilong Nonopai long Kavieng, em narapela spotsman husat i kirap na soim mak bilong em tu long taim bilong ol waitman, long PNG bipo.

Olsem, Se John, Laboran i statim skul bilong em long ples na laik bilong em long pilai spots i stat long hap.

Em i laik etletiks taim em i liklik yet na taim em i go long Yunivesiti bilong PNG, dispela laik i go bikipela moa.

Laboran i kisim bikipela luksave taim em i save resis insait long ol kompetisen



TUPELA YET: Laboran (lephan) na Se John i sanap wantaim ol plak ol i kisim long makim luksave bilong ol insait long "Hall of Fame." **POTO: Andrew Molen.**

bilong Papua New Guinea Amateur Athletics Union long dispela taim.

Taim em i gat 19 krismas tasol, Laboran i kamap teritori sempion long hai jam o gem bilong kalap antap tru (high jump).

Em i putim rekot bilong Teritori bilong Australia (olpela nem bilong PNG aninit long was bilong Australia) long dispela taim wantaim 6 fit 3 ins (nau em 1.92 mita).

Long 1962 em i kisim sans long go mekim moa trening long Melbourne yunivesiti long Australia na i stap insait long Teritori tim wantaim Se John long go pilai long Perth long British Empire na Commonwealth Games (nau em Komonwelt Gems) long dispela taim.

Namba wan tim menesa bilong namba wan PNG (Teritori) tim long dispela taim, Kevan Gosper, husat i kamap long dispela bung las wik tu, i tok em bai no inap lustingting long dispela strongpela pilai we Se John na Laboran wantaim ol arapela wanples bilong ol i kamapim long dispela gems.

Se John i ron insait long 440 yards (402m) resis we em i sempion long en insait long PNG.

"Mi no bin lukim wanpela man i kam long ples na i trening 6-pela wik tasol na i ron 440 yad aninit long 60 sekens olsem Se John i mekim," Gosper i tok long ron bilong Se John long dispela resis.

Laboran i resis wantaim sampela ol biknem pilaia bilong ol arapela kantri na i kalapim mak long 6 fit 4 ins

(1.95m) long dispela gem.

Dispela i mekim em i winim seleksen i go insait long PNG (teritori) tim gen long Saut Pasifik Gems long Suva long 1963 we em i putim tupela rekot.

Namba wan rekot em i putim em bilong Saut Pasifik Gems i bin 6 fit 4.75 ins we ol i brukim 12-pela yia bihain.

Tasol narapela rekot em i putim, bilong Teritori (PNG), i bin sanap 40 yia olgeta we Sandy Katusele i brukim long 2003.

"Ol i soim olsem PNG gat ol pilaia husat i nap long mekim gut tu long kain ol bikipela pilai olsem," Gosper i tok las wik.

Em i tok amamas long Se John na Laboran na ol arapela sinia spotsmanmeri bilong PNG long las 50 yia long olgeta samting ol i mekim long spots olsem ol pilaia na ofisol wantaim.

Laboran i tok, olgeta samting ol i bin mekim long dispela ol gem i stap yet long het bilong em olsem ol i mekim long aste tasol.

"Mi amamas long makim kantri bilong mi long spots na mi bilip PNG, i nap long sanap strong long ol bikipela gem insait long wol tu," Laboran i tok.

Se John i tok spots em i wanpela bikipela samting we i kamapim planti bikipela samting long ol manmeri husat i stap insait long en tasol taim ol i stat trening o pilai, ol i no stop hariap o lusim long namel.

"Em i no isipela samting tasol yu mas sanap strong na wok hat long en," Se John i tok.

Ol yangpela mangi bilong pis fektori no givim sans long ol tu.

Tupela mangi Madang, Jamal Seeto na Max Sengum, wantaim Benjamin Simon na Hanson Upaiga i stopim win bilong ol mangi Mosbi.

Cyril Muta na bipo PNG pilaia, Desmond Waku, i sanap was gut long baksait taim Simon i yusim ol liklik stail kik bilong em long rausim bal long ol bikipela Stars.

Vanya Malagian, wanpela stail yangpela pilaia tu, i no isi long ol bikipela brata bilong em long bik ples.

Em i helpim Seeto, Sengum na Simon na kisim ol gutpela bal na i rausim.

Long namba wan hap, tupela wantaim i pilai gut tasol long namba tu hap, ol mangi asples i kisim taim liklik long san na skin i no malolo gut bihain long tupela de i go pinis long narapela bikipela pilai long Mosbi.

Ol Stars i lukim pinis dispela na i putim presa long ol yangpela mangi bilong Football Association, wantaim dispela gol long win.

Insait long namba wan raun, dispela pilai bilong Stars wantaim Besta i lukim namba tu win bilong ol.

Ol i bin wokim wanpela win pastaim wantaim tupela dro na tupela lus.

Nau yet, ol i stap long namba 4 ples.

Long ol narapela pilai, Hekari United i go rausim bel-

hat bilong ol long lus long Besta United na i nilim Petro Souths, 5-2 long Goroka.

Long Mosbi, Tukoko University i rausim trasis bilong Gigira Laitepo Central Coast 3-2 na ol mangi Bulolo United i kisim gutpela malolo.

Dispela ol pilai pasim namba wan raun bilong sisen tasol i gat ol sampela gem we ol i no pilai, stap yet.

Ol bai pinisim long dispela wik na statim namba tu raun.



KALAP: Michael Foster i traim long kisim bal long yangpela Sam Sengum bilong Besta long Lae long wiken. Stars i win 1-0. **POTO: Bustin Anzu, Summit Images.**

KALA: BAT netbol tim i bin opim nupela unifom bilong ol las wik insait long Praivet Kampani netbol resis long Mosbi. Ol pilaia i bin amamas long nupela unifom bilong ol we i mekim ol i amamas na pilai strong. Ol i bin lusim dispela gem bilong ol agensim Tango tasol tingting bilong ol i strong yet long trening strong na pilai gut moa long ol arapela gem i kam bihain. Praivet kampani netbol em gem bilong ol wokmeri bilong ol kampani na ol pikinini bilong ol. Em i save kamap olgeta yia bihain long Mosbi netbol resis i pinis. **POTO: Andrew Molen.**



Hatwok i no pinis yet

Daunim Vanuatu pinis, SI na Niue stap yet.

DISPELA 78-3, win bilong Papua Niugini Pukpuks long ragbi yunion gem bilong ol agensim Vanuatu insait long FORU kap resis i luk isi tasol kosa, Shane Howarth i tok hatwok bilong ol i no pinis yet.

Howarth i amamas long win tasol em i luksave tu long sampela ol samting we ol Pukpuks i mas wok hat long stretim bipo ol i bungim Solomon Ailans long tete (Fonde) na Niue long Sarere, dispela wik.

Em i tok ol pilaia bilong em i lusim gem bilong ol liklik long namel taim ol i putim planti trai na i ting olsem gem i no hat.

"Dispela i mekim ol i malolo liklik insait long gem, tasol bihain ol i kirap gen na pilai gen long win.

"Mipela bai wok long stretim dispela ol samting insait long gem," Howarth i tok.

Dispela Pukpuks tim i gat planti nupela pilaia husat i gat ekspiens long ragbi sevens na long junia level na

tu em i namba wan taim bilong Howarth olsem Nesenel kosa.

Bipo long dispela wok, em i bin stap olsem kosa bilong PNG ragbi sevens tim tasol.

Em i tok amamas long namba wan win bilong em tasol i tok ol i gat planti wok yet.

Vanuatu i putim strongpela gem tasol i no bin inap long kisim planti poin agensim ol Pukpuks husat i gat moa spit na save long pilai.

I go moa Pes 28

Osenia salens

KIK: Emmanuel Tupia i pilai bilong PNG long intanesene kap resis long Sydney dispela yia.

PILAI: PAPUA Niugini bai salim wanpela AFL tim i go long 2011 Ytu AFL Osenia Kap resis long Fiji we bai kamap long Disemba 13 i go long 17 dispela yia. Wanpela junia PNG AFL tim bai stap insait long dispela resis wantaim narapela 7-pela kantri, Fiji, New Zealand, Nauru, Samoa, Tonga, Solomon Islands na Vanuatu. **POTO:** AFL PNG.

CARPENTERS MOTORS

Introdusim

◉ Nambawan Expiens ◉ Hamamas long Kisim ◉ Tru long Yumi

9.9% FAINANS long ol DIAMOND CLASS VEHICLES *Kondisens bai aplain!

- SETIFAID KILOMITAS
- 6 PELA MUN FRI SEVIS
- 6 PELA MUN ENSIN WARANTI
- SEFTI STIKA INSPEKSEN FRI LONG TAIM YU KISIM KAR (Inspeksen tasol)
- 10% DISCAUNT LONG OL PARTS NA LEIBA *Kondisens bai aplain
- OL SAVE TEKNISEN BAI SEVISIM KAR BILONG YU
- IGAT 20 POINT MEKENIKOL SEK

Tel: 311 2233 | Fax: 311 2440 | Email: info@carpentersmotors.com | Website: www.carpentersmotors.com